

AWE Mainta

E DIFERENCIA DEN NOTICIA

FALTA DI PERSONAL Y PRESION:


E PUNTO DI KIEBRO DEN CUIDO DI SALUD



DEBE PROME, PAGA DESPUES:
**E REALIDAD CU PROFESIONALNAN
HOBEN TA BIBANDO**

MESUN SPIEL, DIFERENTE EDAD:
**E PESO DI EXPECTATIVA
RIBA E CURPA FEMENINO**

TEMPO, PLACA, ENERGIA:
**E REALIDAD DI E CLASE
TRAHADO NA ARUBA**



=exact

VCC
International NV

Supports All Your Business Activities & Processes!

Accounting | Inventory | Sales | CRM | On premise or cloud-hosting

Tel. 583-7072 | info@vcc-int.com | www.vcc-int.com

Falta di personal y presion:

E punto di kiebro den cuidado di salud

TIN un crisis silencioso den e mundo di cuidado di salud cu ta bay mas leu cu presupuesto of infraestructura. E ta sosodiendo entre turnonan di trabou y tras di portanan cera.

Falta di personal no ta un problema logistico mas; el a bira un problema humano. En bes di haya alivio, hopi trahado den cuidado di salud ta enfrentando algo pio: **Presion, intimidacion y, den algun caso, bullying directo.**

E sistema ta bou di masha hopi presion. Menos personal mester atende mas pashent, casonan mas complica y carga mas responsabilidad. Erornan ta bira mas probabel y fatiga ta bira algo constante. Pero en bes di resolve e rason principal—e falta di hende—hopi biaha ta dirigi e presion ey pa abou, riba e lomba di e trahadonan cu a keda.

Eynan ta unda e situacion ta cuminsa deteriora.

Hopi profesional ta raporta cu nan ta haya culpa pa tardansa, nan ta wordo critica pa nan rendimiento bou di condicionnan imposibel, of nan ta wordo pusha pa acepta mas trabou sin ningun apoyo. Loke ta cuminsa como stress ta bira tension. Loke mester ta trabou den ekipo ta bira un kibramento di consenshi. Y den e pio ambientenan, e tension ey ta bira bullying—sea sutil of directo.

Esaki por tuma diferente forma:

- Critica publico en bes di sugerencia constructivo.
- Expectativa irealistico sin espacio pa eror.
- Presion pa traha mas leu cu e limitenan di seguridad.
- Silencio ora tin keho of represalia



p'esnan cu papia cla.

Cu tempo, e efecto ta premira. Hende ta cuminsa perde e conexion emocional cu nan trabou. No pasobra nan no kier cuida nan pashent, sino pasobra e ambiente ta haci masha dificil pa mantene e empatia ey. Ora cada turno di trabou ta sinti manera un lucha pa sobrevivi, e trahado ta cuminsa ranca su curpa emocionalmente pa e por wanta.

Finalmente, algun ta dicidi di bay. **Esaki ta e ciclo cu ta destruyendo e sistema di salud:** Falta di personal ta hiba na presion, presion ta crea un ambiente toxico, y un ambiente toxico ta pusha hende pa bandona nan profesion—haciendo e falta di personal pio ainda.

Loke ta mas preocupante ta cu hopi biaha no ta atende e problema aki. Bullying den cuidado di salud no ta wordo mira como un problema structural, sino como un conflicto personal. Pero ora esaki bira algo comun, e no ta individual mas; e ta structural. Un sistema

cu ta depende riba e resistencia di su trahadonan sin duna nan apoyo, no ta sostenibel.

E impacto no ta limita na e trahadonan so. E ta afecta e cuidado di e pashent. Un personal cansa y sin apoyo tin mas riesgo di comete eror y menos capacidad pa duna e atencion cu un hende mester. E calidad di cuidado ta baha—no pa falta di conocimiento, sino pa e condicionnan den cual e profesional mester opera.

E pregunta no ta si e trahadonan den cuidado di salud ta fuerte suficiente pa wanta presion. Nan ta muestra caba cu nan ta fuerte. E berdadero pregunta ta: cuanto presion un sistema por pone riba su hende prome cu e cuminsa kibra nan—y den e proceso, kibra su mes?

Pasobra ora un trahado den cuidado di salud yega na e punto cu e no tin gana mas, of dicidi di cana bay, e sistema ta perde hopi mas cu djis un empleado. E ta perde su fundeshi.

Debe prome, paga despues:

E realidad cu profesionalnan hoben ta bibando

PA hopi profesional hoben, e bida di adulto no ta cuminsa cu oportunidad—e ta cuminsa cu obligacion. Prome cu tin estabilidad, prome cu tin spaarmento, of sikiera un direccion cla, caba tin un lista di compromiso: ***Fiansa di estudio, fianza di auto, y cada bes mas, un hipoteca of huur cu ta rek e entrada te na su limitenan.***

Esaki t'e punto di inicio nobo.

E expectativa ta cla: Haya educacion, drenta mercado laboral, y traha un bida. Pero e realidad ta hopi mas complica. Ora hopi profesional drenta nan prome trabou serio, caba nan tin un atraso financiero. Educacion, cu antes tawata e caminda pa progreso, a bira e porta di entrada pa debe a largo plaso.

Aki ta bin e di dos contradiccion: un trabou no ta garantisa alivio.

Ta spera cu bo ta traha—consistentemente, profesionalmente, y hopi biaha extra ora—pero e compensacion no semper ta cuadra cu e costo di bida. Salarionan ta keda mescos mientras gasto ta sigui subi.

Huur ta aumenta. Utilidad ta bira mas caro. Cuminda ta fluctua bay ariba. E margen entre entrada y sobrevivencia ta bira mas fini, en bes di mas hanchu.

Asina e sistema ta crea un ciclo:

- Bo ta fia pa studia.
- Bo ta fia pa move.
- Bo ta fia pa por funciona.
- Y despues bo ta traha—no pa bay dilanti, sino pa purba keda cabes riba awa.

E auto no ta un luho—hopi biaha e ta un necesidad pa por mantene un trabou. E hipoteca of huur no ta opcional—e ta e



costo pa tin un luga pa biba. Esakinan no ta escogencia excesivo; nan ta rekisitonan structural. Toch nan ta bin tur hunto, eliminando casi tur flexibilidad financiero.

Loke ta haci e dinamica aki mas dificil ta e expectativa cu tin tras di dje.

Ainda ta spera cu profesionalnan hoben ta progresa: Spaar, inverti, planea pa futuro, cuminsa famia, y crea estabilidad. Pero e expectativanan aki ta basa riba un modelo bieu—uno caminda e salario tawata crece pareu cu e costo di bida. E modelo ey no ta funciona mas den e mesun forma.

En bes di esey, hopi ta purba mantene un balansa constante. Paga un obligacion mientras ta maneha un otro. Posponiendo decisionnan cu generacionnan anterior por a tuma mas trempan. Cargando stress financiero den silencio, mientras ta mantene un apariencia di estabilidad.

Esaki no ta djis un problema di presu-

puesto. E ta un presion structural.

Cu tempo, esaki ta afecta mas cu djis placa. E ta afecta salud mental, e capacidad pa tuma decision, y planificacion a largo plaso. Ora e mayor parti di bo entrada caba ta comprometi prome cu bo ricibi'e, no ta keda espacio pa riesgo, pa crecimiento, ni pa descanso.

E pregunta no ta si profesionalnan hoben ta trahando duro suficiente. Den mayor parti di e casonan, nan ta traha mas di loke ta spera. E berdadero pregunta ta si e sistema den cual nan ta funciona ainda ta alineado cu e realidad cu nan ta enfrenta.

Pasobra ora pidi un generacion pa carga diferente capa di debe mientras nan ta wordo mal paga, e resultado ta premira: ***Progreso ta slow down, presion ta subi, y e idea di “bay dilanti” ta bira cada bes mas leu.***

Trabou mester tabata pa traha un futuro. Pa hopi, el a bira un manera pa simplemente maneha e presente.

Mesun spiel, diferente edad:

E peso di expectativa riba e curpa femenino

HOPI biaha nos ta trata imagen personal como un fase—algo cu hende muhe hoben ta lucha cu ne y cu tempo nan ta supera. Pero realidad ta conta un storia diferente. E presion pa cumpli cu cierto standard no ta disparce cu edad; e ta evoluciona, e ta adapta, y e ta sigui hende muhe den cada etapa di bida, djis den diferente forma.

Den adolescencia, e presion ta intenso y directo. Muchanan muhe ta wordo introduci trempan na un mundo unda bo aparencia ta bo balor. Rednan social ta acelera esaki, creando un comparacion constante den un etapa unda identidad ta den pleno formacion. E impacto ta bisto: inseguridad y e creencia cu bo balor ta mara na con bo ta mira bo mes.

Ora yega e fase di adulto hoben, e presion ta cambia pero no ta baha. Awor no ta trata djis di “*fit in*”—sino di resalta. Carera ta cuminsa, circulo social ta expande, y e expectativa pa presenta un imagen “*perfecto*” ta crece. Apariencia ta bira mara na confiansa, profesionalismo, y hasta oportun-

idad. E comparacion ta bira mas strategico, pero e ta keda mesun presente den mente.

Despues ta bin e edad intermedio (midlife), unda e storia ta bira mas complica. Muhenan no ta competi solamente cu nan pareunan, sino cu tempo mes. Enbehecimento ta bira un realidad. E standard no ta ahusta na e realidad aki; e ta keda ancla den hubentud. **E resultado ta un forma nobo di comparacion:** No solamente cu otro nan, sino cu un version mas hoben di bo mes. Esaki ta crea un insatisfaccion keto pero persistente.

Pa muhenan di edad mas avansa, e lucha hopi biaha ta bira menos bisto—pero no menos real. Sociedad tin e tendencia di bira cara kita for di nan, creando un tipo di presion diferente: **Invisibilidad**. E mensahe ta cambia di “*sea atrac-*

Continuacion na pagina 6



Conecta facil y lihe!



Galaxy A36 5G

Afl. 382,-

128GB

Postpaid U Basic:

- 100GB 5G Data
- UNLIMITED yamada pa SETAR Fiho y Mobiel
- UNLIMITED SMS pa SETAR
- 200 minuut pa yama exterior
- 500MB Roaming Data

Prijs ta valido cu contract di 2 aña pa Postpaid U Basic pa Afl. 159,- pa luna.





**CUMpra 2  Y HAYa 1
LOTTO 5 LOCO GRATIS**

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA
RICIBI 1 LOTTO 5 LOCO COMPLETAMENTE **GRATIS**. MAS BO
CUMpra, MAS TICKET LOCO **GRATIS** BO LO RICIBI!

PROMOCION TA VALIDO
TE CU 30 DI APRIL



www.lottoaruba.com



Continuacion di pagina 4



tivo” pa “keda relevante”. Den un cultura cu ta balora hubentud riba tur cos, mantene un sentido di balor propio ta bira un reto ora e aprobacion externo cuminsa disparece.

Den tur e etapanan aki, e hilo comun no ta edad—e ta comparacion.

E standard mes ta keda smal, hopi biaha irealistico, y influencia pa imagennan digitalmente edita. Loke ta cambia ta con e muhe ta relata na dje. Muhenan hoben por sinti cu nan no ta “suficiente” ainda, mientras muhenan mas grandi por sinti cu nan no ta “suficiente” mas. Diferente etapa, mesun tension.

P’esey, imagen personal no ta djis un asunto personal—e ta un problema structural. E sistema ta recompensa aparencia y rara bes ta refleha e diversidad di curpanan real na diferente edad. E ta crea un ciclo unda muhenan ta sea tratando di alcanza un standard of tratando di keda pega na dje.

Loke mester cambia no ta solamente e mentalidad individual, sino e expectativa colectivo. E idea cu un solo standard por defini bunitesa a traves di tur edad no ta solamente irealistico, e ta dañino. E ta ignora e realidad cu curpa ta cambia, prioridad ta move, y cu balor di un persona no por wordo midi solamente pa su aparencia.

Elements
A VIEW TO DINE FOR

*Sip champagne, savor in fresh, flavorful dishes,
and celebrate Sunday in style*

Unwind with an à la carte brunch in the Caribbean’s most romantic setting, where every table offers a stunning oceanfront view. Whether you choose the cool comfort of elegant indoor dining or our open-air deck, you’ll enjoy refined service, exquisite cuisine, and a relaxed ambiance like no other.

Located at Bucuti & Tara Beach Resort



Adults only - Cashless
No groups over 6

\$70 per person (including one
bottle of Champagne per couple)

Reservations Required
+297 583-1100 ext. 109
elements@bucuti.com

Ultimo oportunidad: Pa un tempo limita e luna aki

Habitantenan di Aruba por desblokia balor inmediato pa nan salud

TUR hende cu cambia pa Botica BENU na april lo ricibi *“The Health Upgrade”*, un paquete di bienestar completo balora na AWG 745, ofreci completamente gratis.

Esaki no ta un descuento. E ta un mehoracion completo di con bo salud ta wordo sostene.

E paquete ta inclui:

- Tayer di Happiness 1/2 Day, un sesion guia pa reset, recarga y mehora bo bienestar
- Scan Basico di Salud, cu ta duna un bista cla riba bo salud actual
- Control di siguridad di remedi, yudando reduci riesgonan y preveni erornan
- Guia di suplemento personalisa, adapta na bo curpa y estilo di bida
- Notificacionnan riba WhatsApp pa busca remedi, pa bo sa exactamente ki ora bo remedi ta cla

Un momento pa haci un miho escogencia

Na Aruba, e oportunidad pa cambia di botica ta bin solamente algun biaha pa aña.

April t'e momento ey.

Unabes cu e periodo aki cera, tanto e oportunidad di cambio como e oferta aki no ta disponibel mas. Pa hopi hende, un botica ta algo cu rara bes nan ta reconsidera. Sinembargo, e diferencia entre boticanan ta mas grandi cu mayoria ta realisa, no solamente den servicio, pero den con bo salud ta wordo sostene activamente.

Un norma di cuido diferente

Botica BENU ta bay mas leu cu duna remedi. E ta enfoca riba prevencion, guia y bienestar a largo plaso. Pa medio di su integracion cu DA drugstore, clientenan ta beneficia di un surtido amplio di productonan di salud, beyesa y bienestar na un solo luga, combinando experticio medico cu solucionnan di salud di tur dia.

Banda di esaki BENU ta colabora cu partnernan manera Buurtzorg Caribbean, ofreciendo acceso na servicio di enfermeria profesional na cas. Esaki ta percura pa e cuido sigui mas leu cu e botica, unda cu ta necesario.



Bishita un botica di BENU

Ta invita habitantenan pa bishita un di e localidadnan di BENU rond Aruba, unda teamnan ta cla pa asisti cu e proceso di subscripcion:

- Oduber, Centro di Ciudad
- Trupiaal, Ponton
- Kibrahacha, Bubali
- Central, St. Cruz
- Centro Medico, San Nicolas
- San Lucas, San Nicolas

Tuma accion awe mes

E campaña aki ta valido solamente durante e periodo di cambio di april.

Bishita un di e boticanan di BENU awe mes. E team lo asisti bo directamente cu bo subscripcion.

Tempo, placa, energia: E realidad di e clase trahado na Aruba

TIN un realidad na Aruba cu hopi hende ta sinti pero cu rara bes ta wordo expresa: no obstante con duro bo traha, semper falta algo. No pasobra hende no ta purba—sino pasobra e sistema mes ta basa riba sacrificionan cu ta dal e clase trahado mas duro.

Pa hopi hende na Aruba, bida ta cuminsa cu tempo y energia, pero cu oportunidad limita. Hobennan ta crece cu ambicion, pero masha lihe nan ta dal contra bareranan structural—costo di bida, carera limita, y un economia chikito y competitivo. E gana t'ey. E potencial t'ey. Pero e acceso no semper ta igual pa tur.

Despues ta bin e bida laboral, unda e ta bira mas dificil ainda.

E clase trahado na Aruba hopi biaha ta haya su mes den un ciclo constante: oranan largo di trabou, diferente “side jobs”, y gastonan cu no ta stop di subi. Entrada ta drenta, pero recibonan tambe—huur, utilidad, cuminda, transporte. **E resultado ta bisto:** Bo por gana placa, pero bo tempo ta desaparece. Dianan ta bira rutina. Simannan ta pasa sin descanso. Bida ta bira algo cu bo tin cu “maneha”, en bes di algo cu bo ta “experencia”.

Energia, cu antes tawata algo natural, ta bira un otro costo. Trabounan fisicamente pisa, e demanda di e industria di servicio, y e stress mental ta gasta

hende pocopoco. Toch, stop no ta un opcion. E presion pa sigui no ta djis algo personal—e ta algo economico.

Esaki ta e realidad: Hopi hende ta trahando mas duro cu nunca, pero bibando menos.

Y despues tin e bista a largo plaso. E idea cu un dia, despues di añanan di sacrificio, lo tin tempo pa descansa, pa disfruta, y finalmente pa biba. Pero e promesa ey tambe ta insegur. Pa ora cu yega na estabilidad financiero—si e wordo alcansa mes—energia no ta mescos mas. Salud ta hunga un rol. Limitacionnan ta aparece. E tempo cu a wordo posponi no semper ta bolbe den e forma cu hende a imagina.

Esaki no ta un problema individual solamente. E ta structural.

Economia di Aruba ta depende fuertemente riba sectornan manera turismo y servicio—industrianan cu ta demanda tempo, flexibilidad, y disponibilidad constante. E sistema ta recompensa productividad, pero no semper e balansa. E ta crea un forsa laboral cu ta esencial, pero cu hopi biaha ta wordo uza te na su limite.

E ora ey e pregunta ta bira inevitabel: Pa kico nos ta trahando?


Si bida bira un intercambio continuo—tempo pa placa, energia pa sobrevivencia—e ora algo fundamental ta perdi. No solamente recreo, sino calidad di bida. No solamente descanso, sino nificacion.

Esaki no ta trata di nenga trabou. Trabou ta necesario. Pero mester tin consciencia di e costo.

P'e clase trahado na Aruba, e recordatorio aki ta critico:

- Tempo no mester wordo sacrifica semper sin intencion.
- Placa mester sirbi bida, no reemplas'e.
- Energia mester wordo proteha, no constantemente agota.

Pasobra e peligro no ta solamente pobreza. E berdadero peligro ta pasa un bida henter trahando, solamente pa realiza cu nunca a keda espacio pa realmente biba. Aruba no falta hende trahado. Loke falta ta un sistema cu ta permiti nan disfruta plenamente di e esfuerso ey.



AUA
ARUBA AIRPORT AUTHORITY

Di Aruba pa
Chicago
cu
UNITED

LIMITED TIME

CHICKEN BACON RANCH STREET CHALUPAS

Set of TwoChicken Bacon Ranch
Street Chalupas**Afl. 9.75****Combo****Afl. 14.85**

- 2 Chicken Bacon Ranch Street Chalupas
- Fries + 20 oz Drink

Discovery Luxe

BOX**Afl. 21.75**

- 2 Chicken Bacon Ranch Street Chalupas
- 2 Crunchy Beef Tacos
- Fries + 20 oz Drink

Cumpliendo cu ley

AFTA a entrega cuenta anual 2025 na Minister Geoffrey Wever

DIABIERNA ultimo, Minister di Finansa, Asunto Economico y Sector Primario, mr. Geoffrey Wever, a ricibi directiva di Aruba Fair Trade Authority (AFTA) pa entrega oficialmente nan jaarverslag 2025. E entrega aki ta confirma e compromiso continuo cu transparencia, bon gobernacion y consolidacion di un mercado moderno y husto pa Aruba.

Desde su fundacion riba 1 di januari 2024, AFTA a bira un pilar importante den e proceso pa crea un ambiente economico unda empresanan por competi di forma husto y consumidornan por beneficia di miho servicio, innovacion y prijsnan mas competitivo. Como autoridad independiente, AFTA ta opera cu su propio competencia legal y instrumentonan pa supervisa mercado y actua ora practicanan inhusto surgi.

Den e jaarverslag 2025, AFTA a presenta e progreso logra durante su di dos aña operacional, incluyendo fortalecimiento institucional, proceso di investigacion, orientacion na empresanan y preparacion pa e siguiente fase di proteccion di consumidor. Esaki ta muestra cu Aruba no solamente a crea e cuadro legal necesario, pero cu tambe ta duna contenido real na reformanan cu ta modernisa nos economia.

Proteccion di consumidor ta sigui ta un prioridad strategico



pa Minister Wever. P'esey, Gobierno a sigui traha den cooperacion cu AFTA riba instrumentonan legal y regulatorio pa fortalece e posicion di consumidor den mercado. E meta ta pa garantiza cu e ciudadano tin mas seguridad, mas informacion y mas proteccion contra practicanan comercial inhusto.

"Mi ta sumamente contento cu AFTA a sigui crece y madura como institucion. Den poco tempo nan a demostra cu Aruba por tin un autoridad serio, profesional y efectivo cu ta boga pa competencia husto y proteccion di nos ciudadano. Un economia fuerte mester tin reglanan cla y husto pa tur hende," segun Minister Geoffrey Wever.

Minister Wever a enfatisa cu un mercado ordena y confiable ta esencial pa atrae inversion, stimula emprendemento y amplia oportunidadnan pa empresanan local. *"Ora inversionista mira cu Aruba tin institucionnan independiente, transparencia y seguridad huridico, nan tin mas confiansa pa inverti na Aruba. Esaki ta traduci den empleo, crecimiento economico y mas bienestar pa nos comunidad."* minister Wever a comenta.

Cu entrega di e jaarverslag 2025, AFTA ta confirma cu Aruba ta avansando cu accionnan concreto den construcion di un economia mas competitivo, moderno y resiliente, completamente den linea cu e Programa di Gobernacion AVP-FUTURO 2025-2028.

Pa mas informacion tocante AFTA y su trabounan, por bishita nan website oficial: www.afta.aw



ANUNCIO

En conexion cu Dia di Rey, SETAR ta informa cu su oficianan y teleshopnan lo ta cera:

• **Dialuna 27 di april 2026**

E Kiosk na Airport y e Contact Center ta keda duna servicio orario normal. Pa cualkier pregunta por yama 525-1000 of WhatsApp na 597-9999.



Iberostar ta fomenta turismo responsabel na Aruba cu iniciativanan di sostenibilidad y aliansanan local

IBEROSTAR Group ta celebrando 70 aña di historia (1956-2026) c'un bista firme riba futuro y sostenibilidad. C'un presencia global di 100 hotel den 14 pais y 35,000 empleado, e compania ta implementando su modelo di turismo responsabel na Aruba. Guia pa nan iniciativa **"Wave of Change"** cu a inicia na 2017, Iberostar ta enfoca riba shete pilar principal pa percursa cu turismo ta un forsa pa cambio positivo riba e isla.

Inversion den e hendenan y educacion

Iberostar a consolida un ekipo di 460 persona na Aruba. E compania ta inverti fuertemente den su empleadonan, brindando un averahe di 30 ora di training ora nan drenta servicio, y ta percursa cu 100% di e empleadonan ta ricibi training specifico riba sostenibilidad. Como parti di nan compromiso cu e comunidad, nan a cera aliansanan cu Education Professional Intermedio (EPI & EPB) y Universidad di Aruba. Ademas, nan a lansa e programa **"Star care"** den colaboracion cu YMCA's C.A.R.E. (Children After School Recreational & Educational).

Un di e logronan di mas grandi t'e **"Aula di Lama"**, un iniciativa dirigi pa Iberostar Foundation. E espacio di educacion marino aki a organisa mas di 145 actividad, impactando mas di 1,290 beneficiario directo. Esaki ta inclui 16 sesion di ciencia ciudadano, 21 actividad educativo cu mucha, 8 conferencia publico, y 20 sesion di training pa maestronan.

Proteccion di naturalesa y biodiversidad

E proteccion di Aruba su naturalesa ta central den e strategia di Iberostar. E compania ta sostene e conservacion di biodiversidad pa medio di iniciativanan dirigi riba e bida salvahe unico di e isla:

• Conservacion di Shoco (2025):

Iberostar a establece e Shoco Sanctuary na Tierra del Sol, cual ta proteha 20% di e poblacion di e isla. Nan a lansa e Shoco Ambassadors Program y e Shoco Boulevard na JOIA Aruba by Iberostar. Pa 2026, nan tin programa pa ta anfitrión di e World Owl Conference.

• Bida Marino (2026 y mas aña):

Den colaboracion cu Turtugaruba, e fundacion ta implementa practicanan di maneho di beach pa proteha e areanan unda turtuga di lama ta traha neishi. Esaki ta wordo sosteni p'e iniciativa di **"Blue Blocks"** y uzo di luznan **"Wildlife Friendly"**.

Liderando e economia circular na Aruba

Pa loke ta maneho di desperdicio, Iberostar ta liderando e **"Compost Alliance in Aruba"**, un acuerdo cera cu 8 otro hotel pa minimisa desperdicio di cuminda cu ta bay p'e dump. Hunto cu Alto Vista Winery, e miembronan di e aliansa a ricibi training na October 2024 na Iberostar Bávaro Complex, y na April 2025, Alto Vista Winery a cuminsa cu e proyecto piloto pa procesa desperdicio organico y converti esaki den compost.

E operacionnan tambe ta sigui e enfoke di 3R (Reduce, Reuse, Recycle), implementando un team operativo pa maneho di desperdicio cu ta inclui reciclahe di plastic, carton y glas. Na mes momento, nan ta sostene e programa di **"Lifting up Local"**, cual ta promove **"Blue Foods"** (cuminda di lama responsabel) pa yuda e comunidadnan.

Renobacion responsabel di Tierra del Sol

Na 2025, Iberostar a habri bek e Tierra del Sol Golf Course by Iberostar.



E campo a pasa den un renobacion completo como un inversion strategico y sostenibel diseña pa minimisa e impacto ambiental. Awendia, e ta wordo maneha cu e meta pa entrega balor n'e doñonan di propiedad mientras cu e ta sostene e comunidad, fortaleciendo e atractivo turistico di Aruba y sirbiendo como un centro pa biodiversidad.

Crecemento responsabel

Tur e esfuersonan aki ta ancla den e pilar di **"Crecemento Responsabel"**. Turismo responsabel ta integra den nan strategia di negoshi. E compania ta conduci evaluacionnan di riesgo climatico pa mas di 60 hotel y ta aplica un manual di construccion responsabel (Responsible Construction Manual) pa desaroyo y renobacionnan. Ademas, nan tin proyectonan den nan cadena di suministro pa reduci riesgo y ta midi nan impacto interno y externo p'asina garantiza mehoracion continuo di nan operacionnan na Aruba y rond mundo.

Aeropuerto di Aruba ta preparando p'e siguiente fase di Gateway 2030

ARUBA Airport Authority N.V. (AAA) ta preparando pa e siguiente fase di Gateway 2030 Expansion Program door di inicia trabounan clave di habilitacion cu lo haci e transformacion di e terminal posibel. E preparacionnan aki ta marca un paso importante pa Fase 2, cu lo enfoca riba modernisa e experiencia principal di pasahero dentro di e terminal. Gateway 2030 ta un programa di diferente fase cu ta diseña pa engrandece e experiencia general di biahe mientras ta prepara Aeropuerto di Aruba pa e crecimiento den futuro.

Progreso te cu awo

E programa a cuminsa cu Fase 1A, cu a introduci un sala di check-in nobo pa e pasaheronan cu ta biaha pa Merca cu ta conta cu un diseño moderno y un sistema avansa di maneho di maleta pa mehora e eficiencia y fluho di pasahero.

Fase 1B, cu ta andando actualmente cerca di Gate 8, ta expande e terminal cu portanan di salida, areanan di espera y brugnan di embarcacion pa sostene aumento di capacidad y mehora e experiencia di embarcacion.

Fase 2 Transformando e curason di e terminal:

Cu Fase 1A cla y Fase 1B progresando, Aeropuerto di Aruba awo ta drestando Fase 2, caminda e transformacion ta enfoca riba e experiencia principal di e terminal



Fase 2 lo inclui:

- Un sala di check-in nobo expandi pa tur pasahero
- Area nobo pa Inmigracion y seguridad
- Un area modernisa di procesamiento pa U.S. Customs and Border Protection (CBP)
- Un area comercial nobo y plasa di cuminda y bebida

Kico esaki ta nifica p'e pasaheronan?

Pa permiti e construccion di Fase 2 den e area actual di procesamiento di Merca (USCBP) Aeropuerto di Aruba lo implementa un solucion temporal cuidadosamente planea pa garantisa operacionnan sin interrupcion. E trabounan aki ta esencial pa facilita construcion dentro di e area aki mientras ta mantene un biahe placentero y eficiente den henter e terminal.

Cuminsando 1 di mei lo cera e area di tien-

A first communion deserves a first-class celebration

Celebrate a once-in-a-lifetime milestone like your child's First Holy Communion together with family.

Mark the occasion with a gathering that feels truly special, with our Holy Communion packages tailored to your celebration needs.

Now booking Holy Communion celebrations.

Lilian Polsbroek
Lilian.Polsbroek@hilton.com
526 6120

Hilton
ARUBA CARIBBEAN
RESORT & CASINO



danan y localidad di cuminda existente cu ta situa despues cu pasa seguridad pa asina transforma esaki den un facilidad temporario pa procesa pasaheronan cu ta biaha pa Merca. Algun di e espacionan comercial y di cuminda y bebida lo bay den otro areanan den aeropuerto haciendo asina dia 30 di april e ultimo dia di benta den e area aki.

Construccion di e facilidad di procesamiento temporal pa pasaheronan cu ta biaha pa Merca lo inicia den luna di juni.

Durante e periodo aki:

- Den luna di juni lo inicia cu construccion di un corredor temporal pa guia e pasaheronan di un manera sigur door di e terminal mientras e construccion ta avansa.
- E pasaheronan cu ta biaha pa Merca lo sigui haci uzo di e area di procesamiento actual.

Unabes finalisa, e procesamiento di Merca lo muda pa e facilidad temporal, permitiendo e area actual di U.S. Processing

pa haya e renobacion completo como parti di Fase 2. Despues cu finalisa cu Fase 2, operacionnan lo move bek pa e espacio mehora y lo kita e facilidad temporal pa traha espacio pa un plasa comercial nobo como tambe espacio pa cuminda y bebida pa e pasaheronan cu no ta biaha pa Merca.

“E trabounan aki ta un paso necesario pa transforma Aeropuerto di Aruba den un aeropuerto mas eficiente y cla pa futuro, fortificando nos rol como un hub di conexion clave den Caribe. Mientras cu esaki por trece ahustacionnan temporal, nos ta comprometi pa garantisar un experiencia positivo pa tur pasahero durante henter e proximo periodo di construccion”, ta expresion di Jonny Andersen, Chief Executive Officer di Aeropuerto di Aruba.

Ta curasha e pasaheronan pa sigui e borchinan di aeropuerto y duna nan mes tempo extra na momento di biaha, mirando cu e rutanen dentro di aeropuerto por muestra diferente pero e proceso lo keda mescos.

Het leven is prachtig, bij **café 080**

GIVE AWAY!

NOS


FANZONE 2026
THE WORLD CUP EDITION

Like, share y comment
pa cua Team bo ta e Mundial aki.

Y haya un chens pa gana un certificado di 150 florin di Cafe 080.

LIKE & SHARE

Ganada ta wordo anuncia den Lanta'Riba radio show na Power 101.7FM



COMERCIO

Stop di adivina y cuminsa midi:

Marketing mas inteligente pa negoshi chikito

PA hopi negoshi chikito, marketing riba rednan social a bira e strategia standard. Habri un cuenta, post regularmente, core algun propaganda, y e crecimiento lo bin su so—eynan e promesa ta keda. Pero pa un grupo grandi di comerciante, e realidad ta mustra masha diferente. Nan ta gasta tempo, nan ta inverti placa, y toch e resultadonan no ta keda cla.

E berdad incomodo t'esaki: Rednan social no ta un solucion igual pa tur—y sigur e no ta un strategia di milager.

Tin negoshi cu ta florece riba plataformanan social. Restaurant, tienda di moda, y servicionan visual por bira atencion den cliente relativamente lihe. Pero otronan—manera servicionan specialisa of proveedornan “*niche*”—hopi biaha ta lucha pa converti un “*like*” den entrada. E problema no semper ta e ehecucion; tin biaha, simplemente tin un falta di conexion entre e herment y e tipo di negoshi.

Hopi negoshi chikito ta cay den e mesun trampa: nan ta asumi cu visibilidad ta nifica crecimiento. Nan ta mira competencia post tur dia y gana siguidonan, y nan ta kere cu nan mester haci mescos. Pero loke nan ta lubida di observa ta si e actividad ey realmente ta genera benta.

“*Likes*”, “*shares*” y “*views*” por crea e ilusion di progreso. Pero e interaccion ey no ta mescos cu entrada financiero.

Pa negoshinan chikito cu ta opera den mercadonan competitivo, e distincion aki ta masha importante. Recursonan ta limita. Cada ora gasta na crea contenido ta un ora cu no a wordo uza pa mehora operacion, atende cliente, of desaroja maneranan nobo pa genera placa. Cada florin gasta na propaganda mester ta un inversion cu ta trece algo bek—no djis exposure.

Aki ta unda claridad ta bira critico. Prome cu bo inverti fuertemente den rednan social, un negoshi mester haci su mes algun pregunta fundamental:

- For di unda nos clientenan ta bin realmente?
- Con nan ta tuma e decision pa compra?
- Nan ta descubri nos online, of via recomendacion, localidad, of contacto directo?



Si bo negoshi ta depende riba confiansa, relacion personal, of presencia local, rednan social por yuda bo marca—pero por ta nan no ta bo motor principal di benta.

Tambe tin e riesgo di compromete demasiado. Tin negoshi ta gasta hopi placa—pagando otronan pa crea contenido of siguiendo trends—sin midi e resultadonan cla. Haciendo esaki, nan no ta djis gastando placa; nan ta pone nan speranza den un strategia cu por ta no ta pas cu nan modelo di negoshi. Esey ta un posicion peligroso.

Esaki no nifica cu mester ignora rednan social, sino cu mester uza nan cu intencion. Pa algun, e lo ta un motor di crecimiento poderoso. Pa otronan, e lo hunga un rol di apoyo. E diferencia ta den compronde bo mesun negoshi—no sigui ciegamente loke ta funciona pa un otro.

E manera mas inteligente ta simpel:

1. Test prome cu bo expande.
2. Midi prome cu bo inverti mas.
3. Alinea bo marketing cu e comportacion real di bo clientenan.

Pasobra den mundo di negoshi, visibilidad sin conversion no ta crecimiento—e ta un distraccion. Rednan social por funciona, pero solamente si nan ta funciona pa bo negoshi, y no djis pasobra tur hende ta uzando nan.

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :


- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-6991702

Turning **Ideas** into Breakthrough **Solutions**



SALUD MENTAL

Loke nos no ta papia di dje:

Famia, trauma, y e daño cu nos ta carga

NO tur trauma ta bin di violencia obvio. Algun di e heridanan mas profundo ta wordo crea den tur henter den silencio—paden di hogarnan cu, di pafo, ta parece normal. Dinamicanan familiar toxico no semper ta anuncia nan mes cu caos. Hopi biaha, nan ta wordo construi a base di patronchinan: control disfrasa como cuidu, silencio uza como disciplina, y descuido emocional cu ta wordo presenta como “cosnan di bida”.

Esaki ta loke ta haci trauma silencioso asina dificil pa enfrenta. E no semper ta laga cicatris bisto; e ta laga confusion.

Crece den un ambiente toxico rara bes ta sinti toxico na e momento ey. E ta sinti familiar. Muchanan ta adapta. Nan ta siña cua emocion ta aceptabel, cua combersacion ta peligroso, y con pa nabega tension sin lanta esaki. Cu tempo, sobrevivencia ta bira un instinto. Expresa bo mes ta sinti risky; expresa bo necesidadnan ta sinti egoista. Y pocopoco, un persona ta cuminsa desconecta di su mesun realidad emocional djis pa mantene e paz.

E problema ta cu e patronchinan aki no ta keda den infancia.

Nan ta sigui bo den bida adulto—den bo relacionnan, bo carera, y e forma con bo ta mira bo mes. Hende cu a crece den hogarnan emocionalmente instabil hopi biaha tin dificultad pa pone limite. Nan por tolera comportacion cu otronan lo nenga. Nan por evita conflicto a tur costo of, den algun caso, recrea esaki pasobra e ta sinti familiar. Confiansa ta bira complica y vulnerabilidad ta sinti insaludabel.

Y kisas e parti mas dañino: Hopi hende no ta reconoce esaki como trauma. Pasobra no tawata tin un solo evento grandi pa apunta, hende ta cuestiona nan mesun experiencia: “No tawata asina malo,” “Otronan a pasa den pio cos,” of “Asina mi famia ta.” E hustificacionnan aki ta tene e ciclo intacto. E silencio ta proteha e sistema, no e individuo.

Dinamicanan familiar toxico hopi biaha ta wordo reforsa pa expectativanan cultural. Lealtad ta bin prome cu tur cos. Respet ta wordo exige, no gana. Papia cla ta wordo mira como traicion. Especialmente den comunidannan chikito,



unda e identidad di famia ta mara fuertemente na e estructura social, aleha bo mes—emocionalmente of físicamente—tin consecuencia real. Huicio. Isolacion. Culpabilidad.

Pero lealtad sin responsabilidad no ta forsa; e ta presion.

Kibra e patronchinan aki no ta simpel. E ta exige enfrenta no solamente otronan, sino bo mes—bo condicionamento, bo miedonan, y bo sentido di obligacion. E por nifica redefini relacionnan of, den algun caso, crea distancia caminda antes tawata tin cercania. E proceso ey hopi biaha no ta wordo comprondi pa otronan, specialmente esnan cu ta beneficia di e silencio.

Cura di un trauma silencioso no ta trata di busca ken pa culpa—e ta trata di compronde. Ta reconoce cu loke a sinti normal, por ta no tabata saludabel. Cu e strategianan di sobrevivencia cu un tempo a proteha bo, awor por ta limitando bo.

Y mas importante: Ta trata di duna bo mes permiso pa sali for di e rolnan cu nunca tawata di bo pa carga. Pasobra e realidad ta esaki: ***Famia por forma bo, pero nan no tin pakico defini bo.*** E silencio por a dura añanan, pero e no tin pakico dura pa semper.


LANTA 'RIBA
RADIO SHOW

f/lantariba
dialuna - diabierna
6:30am - 9:00am



AWEMainta

E siguiente por ta mas grandi:

Alerta keto pero serio di Hapon

E temblor mes tawata fuerte—pero kisas esey no ta e storia principal. Loke awor ta preocupa autoridadnan na Hapon no ta djis loke a pasa, sino loke por sigui.

Despues di e temblor recien den lama, oficialnan Hapones a emiti un aviso raro y cuidadoso: E probabilidad di un temblor significativamente mas grandi—un asina yama “*megaquake*” di magnitud 8 of mas halto—a aumenta pa e proximo dianan. Statisticamente, e riesgo a move di mas o menos 0.1% pa rond di 1%.

Mirando e cifra so, e ta parce abou ainda. Pero den terminonan seismico, esaki ta representa un aumento di dies bes mas grandi—suficiente pa cambia e situacion for di un monitoreo di rutina pa un alerta halto. Den un pais unda preparacion pa temblor ta parti di bida diario, un aviso asina no ta wordo duna lihe.

E preocupacion tin su rason den geografia. Hapon ta situa riba e asina yama “*Ring of Fire*” di Pacifico, un arco enorme di instabilidad tectonico responsabel pa gran parti di e temblornan y actividad volcanico na mundo. Bou di e fondo di lama, plachinan masivo ta den movecion constante, creando presion cu tempo. Ora e presion ey wordo lansa, rara bes e ta pasa su so.

Un temblor por destabilisa e liñanan di faya rond di dje. E stress ta wordo traspasa over di e fronteranan di e plachinan. Despues di esey ta bin e replicanan—pero tin biaha, e “*replicanan*” aki no ta eventonan mas chikito. Nan



por activa algo mas grandi, mas destructivo, y hopi menos predicibel. Esaki ta e escenario cu autoridadnan ta vigilando hopi cerca awor.

Historia di Hapon ta reforsa e cautela aki. E memoria di e temblor y tsunami di Tōhoku na 2011 ta keda central den con e pais ta interpreta riesgo seismico. E desaster ey a cuminsa cu un temblor masivo den lama, sigui pa un tsunami devastador y un crisis nuclear cu a reformula maneho nacional y discusionnan global riba preparacion pa desaster.

Awe, e sistemanan ta mas fuerte. E rednan di aviso trempa ta mas lihe. Infraestructura ta mas resistente. Pero nada di esey ta elimina e riesgo—e ta djis reduci e vulnerabilidad.

E aviso actual no ta un prediccion. E ta un cambio di probabilidad. Un recordatorio cu actividad seismico hopi biaha ta bin den secuencia, y no como incidentenan isola. Pa e habitantenan den e regionnan afecta, esaki ta nifica un periodo di vigilancia mas halto: ***Revisa plannan di emergencia, reconsidera rutanan di evacuacion, y sigui cu e rutina diario cu un sentido di cautela.***

E implicacionnan ta extende mas aleu di e fronteranan di Hapon. E pais ta hunga un rol critico den manufactura di tecnologia, cadenan di suministro, y estabilidad regional. Un evento seismico grandi lo no keda un asunto local—e lo resona den mercadonan global, rednan logistico, y sistemanan di energia.

Pa awor, Hapon ta para den un posicion familiar: Prepara, alerta, pero exponi. E temblor a pasa, pero e sistema bou di dje ta keda activo. Y esey ta e berdadero preocupacion. No loke a pasa caba—sino loke por ta formando ainda bou di e superficie.

local residents special

eforea
SPA
Hilton Aruba Caribbean Resort & Casino

30% off all treatments | valid from 2 pm - 6 pm
+297 526 6052 | auahh_eforea_aruba@hilton.com

Cannot be combined with any other discounts or promotions, credit card and local id is required and cancellation policy applies

J.E. Irausquin Blvd. 81, Palm Beach | hiltonaruba.com | @hiltonaruba

Eleccion di Bulgaria ta shock Europa



E victoria parlamentario liga na Rumen Radev por parce, na prome bista, simplemente un otro cambio politico den Europa di Este. Pero e no ta asina. Bou di e superficie, e resultado aki ta refleha un cambio mas profundo—uno cu ta papia di un preocupacion creciente den Europa, un recalibracion pa cu Rusia, y un desafio sutil contra e influencia di Estados Unidos.

Bulgaria pa hopi tempo tabata ancla den e 'framework' di Union Europeo y NATO. Su posicion strategico canto di Black Sea ta haci'e un actor keto pero importante den e dinamica di seguridad regional. Toch, e postura politico di Radev—marca pa un acercamento mas cauteloso riba sancionnan contra Rusia y un tono pragmatico riba cooperacion di energia—ta introduci friccion den loke tabata un front West unifica desde e guerra na Ucrania.

Pa Rusia, esaki no ta un avance grandi, pero e ta un apertura. Moscú no mester pa Bulgaria cambia di banda; e mester solamente duda, debate, y fragmentacion den Europa. Un Bulgaria cu ta cuestiona sancionnan of ta busca flexibilidad energetico ta bira un punto di presion util. E ta debilita e percepcion di unidad, y den geopolitica, percepcion hopi biaha tin mesun peso cu accion.

Den Europa, e implicacionnan ta mas structural. Bulgaria no ta e unico. Den henter e continente, un patronchi ta bini dilanti—gobiernonan cu cada bes mas ta responde na presionnan domestico riba costo di energia, inflacion, y soberania nacional, en bes di un aliniacion estricto cu Bruselas. Esaki ta crea un Union Europeo mas complica, unda consenso ta bira mas dificil pa logra y mas slow pa ehecuta. E idea di un bloke unifica ta cuminsa duna lugha na un realidad mas

fragmenta, unda estadonan miembro silenciosamente ta test e limitenan di independencia.

Pa Estados Unidos, e mensahe ta igualmente cla. Bulgaria ta keda un aliado, pero no uno predicibel. E strategia di Washington den Europa di Este a depende riba cohesion—cooperacion militar, ehecucion di sancionnan, y un postura comparti contra influencia Ruso. E ascenso di Radev ta sugeri cu aliniacion no por wordo asumi mas; e mester wordo manteni via un involucracion activo. E era di lealtad automatico ta disparciendo, reemplasa pa un dinamica mas transaccional, incluso entre aliadonan.

Loke ta haci e desaroyo aki significante no ta cu Bulgaria ta cambiando di banda—e no ta haciendo esey. Mas bien, e ta ahustando su postura. E ta test con leu e por maniobra den e aliansa West mientras e ta proteha su interesnan nacional. Esaki ta un balansa delicado, pero uno cu mas pais parece debidamente di kier purba.

E conclusion mas amplio ta incomodo pa tur e hungadonan principal. Europa ta enfrenta presion interno, Estados Unidos ta enfrenta un panorama di aliansa mas compleho, y Rusia ta gana oportunidadnan chikito sin mester haci movecionnan dramatico. Den e ambiente aki, cambionan chikito ta importante. Nan ta acumula, reformula expectativanan, y gradualmente redefini e panorama geopolitico.

E eleccion di Bulgaria ta un di e cambionan ey. No stem halto, no dramatico—pero cu consecuencia.

Local Special

25% off for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

SUNSET GRILLE

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba) | [@hiltonaruba](https://www.facebook.com/hiltonaruba)
+297-526 6612 | AUAHH_SunsetGrille@hilton.com

Machado ta avansa pero e berdadero voto no ta na Caracas

MARÍA Corina Machado ta haciendo progreso bisto riba e escenario internacional. Su encuentronan recién na Spaña, specialmente cu actornan politico conservado, no ta simplemente cuestion di simbolo—nan ta parti di un strategia mas amplio pa consolida apoyo externo pa un Venezuela post-Nicolás Maduro. **E optica ta cla:** Machado ta posicionando su mes como un alternativa creibel, trahando riba su legitimidad mas aleu di e fronteranan di su pais.

Pero bou di e movecion aki tin un realidad incomodo. Mientras cu riba papel ta spera cu eleccion lo determina futuro di Venezuela, e berdadero centro di gravedad no ta na Caracas mes. Cada bes mas, e influencia decisivo ta parece di ta concentra na Washington, D.C.

Esaki no ta un dinamica nobo, pero e ta birando mas dificil pa ignora. E sistema politico y economico di Venezuela ta mara fuertemente na sancionnan internacional, restriccions financiero, y posicionamento diplomatico—mayoria di cual ta wordo defini pa Estados Unidos. Sea ta e acceso na sistemanan financiero global, participacion den mercado di petroleo, of e reduccion di sancionnan, e hermentnan cu por defini e recuperacion di Venezuela ta den man di partidonan externo. Machado ta compronde esaki. Su esfuerso no ta limita na Spaña of Europa—e ta parti di un esfuerso pa alinea su mes cu forsanan politico cu por influencia e maneho di Estados Unidos, sea directo of indirectamente. Den e ambiente geopolitico actual, gana apoyo den exterior por ta mesun critico cu gana voto den bo mesun pais.

Esaki ta lanta un pregunta fundamental: Cuanto poder un eleccion tin realmente bou di e condicionnan aki?



Den teoria, e futuro di Venezuela mester wordo determina pa su pueblo. Un proceso democratico, maske con debil el a wordo presenta den ultimo añanan, ainda ta e mecanismo formal pa cambio. Pero den practica, cualkier transicion di poder lo depende di reconocimiento internacional, alivio economico, y e boluntad di actornan externo pa traha cu un gobierno nobo.

Eynan ta unda Washington ta bira central.

Un victoria den urna sin un cambio den e maneho di Estados Unidos por laga un administracion nobo mara, sin capacidad pa duna un mihoria economico significante. Di otro banda, un cambio politico limita por gana forza si e ta conta cu apoyo internacional y un recalibracion di sancionnan. E balansa di poder, p'esey, ta extende hopi mas aleu di e fronteranan di Venezuela.

Esaki no ta nifica cu e progreso di Machado ta menos importante—e ta djis pone esaki den un otro contexto. Su presencia internacional ta manda un señal cu e no ta solamente den campaña pa e puesto, sino negociando e condicionnan den cual e puesto ey por funciona. **E ta un strategia di dos caminda:** Legitimidad domestico compaña pa validacion externo.

Pa e Venezolanonan, e realidad aki ta dificil. E ta introduci un capa di incertidumbre riba loke mester ta un decision soberano. E voto ta importante—pero kisas e no ta suficiente riba su mes.

Finalmente, Venezuela ta para na un crusada forma pa boluntad interno y influencia externo. Machado ta avansando y creando aliansa. Pero e resultado final por depende di un otro tipo di voto—uno cu no ta wordo lansa na Caracas, sino na Washington.

Work for the No. 5 Best Resort in the World on TripAdvisor & Caribbean's First and Only Carbon Neutral Resort in the Caribbean!

Job Opportunities
Open Positions

Housekeeping

Housemen

Turndown Attendant 2pm - 10pm

Housekeeping Attendants (Rooms & Public Areas)

Unlock these benefits with us:

At Bucuti & Tara, we prioritize the well-being of our team by offering **attractive salaries, bonus opportunities**, and a balanced **5-day workweek**. Team members enjoy up to **27 vacation days, childcare support**, and a comprehensive **Associate Wellness Program**, which includes gym memberships, health insurance, and annual **health check-ups**. Associates also receive **exclusive discounts** at Tara Eco, Ling & Sons, and Garage Centraal, making work-life balance not just possible, but truly rewarding.

BUCUTI & TARA
Beach Resort Aruba

Elements
RESTAURANT

www.bucuti.com/careers

1,500 Soldaat na caminda:

Lucha di Haiti contra gangnan ta drenta fase nobo

E crisis di siguridad na Haiti a drenta un fase nobo awor cu Chad a confirma cu lo desplega te cu 1,500 soldaat pa e nacion den Caribe, di cual rond di 400 caba ta na e sitio. E movcion aki ta parti di un esfuerzo internacional mas amplio pa stabilisa e pais, unda gangnan arma efectivamente a tuma control di gran parti di e capital.

Segun oficialnan involucra den e mision, e despliegue aki ta forma parti di un forza multinacional respalda pa Nacionnan Uni (U.N.), diseña pa asisti e institucionnan di siguridad di Haiti cu ta completamente sofoca. E forza aki, cu a enfrenta retraso y falta di recurso desde su inicio, ta wordo spera di crece te na 5,500 personal den e lunanan binidero.

E situacion na Haiti ta keda critico. Ta estima cu gruponan arma ta controla entre 80 pa 90 porciento di Port-au-Prince, birando barionan henter den zonanan sin ley. Violencia liga na e gruponan aki a desplasa mas di un miyon hende, mientras secuestro, matansa y extorsion a bira parti di e rutina diario. Autoridad di gobierno, caba fragil, ta sigui debilita bou di e presion aki.

Asistencia internacional anterior, incluyendo un grupo lidera pa forza di polis di Kenya, a enfrenta retronan grandi. Falta di personal, limitacion logistico y e magnitud di e crisis a impidi pa e esfuersonan aki logra un control duradero. P'esey, e yegada di e soldaatnan di Chad ta wordo mira como un intento pa reforsa e mision cu forza cu tin experiencia operando den ambientenan di alto riesgo.

Analistanan di siguridad ta nota cu e militarismo di Chad tin un reputacion di ta efectivo den zonanan di combate complica. **Nan involucracion por nifica un cambio di strategia:** Move di operacionnan di polisnan defensivo pa accionnan mas asertivo pa desmantela e fortalesanan di e gangnan y restaura acceso na infraestructura critico manera haf, caminda y aeropuerto.

Toch, e despliegue aki tambe ta resalta e limitacionnan di intervencion externo. Maske mas soldaat por yuda stabilisa areanan clave a corto plaso, nan no por resolve e problemanan structural profundo tras di e crisis di Haiti. Añanan di instabilidad politico, miseria economico y colapso di institucionnan a crea e condicionnan perfecto pa e gruponan arma aki florece.

Tambe tin preocupacion creciente riba e dependencia a largo plaso riba forsanan stranhero. Mientras involucracion internacional ta aumenta, tin pregunta riba e soberania



di Haiti y e sostenibilidad di un modelo di siguridad cu ta depende asina hopi riba actornan externo. Intervencionnan den pasado a muestra cu stabilisacion temporal no semper ta nifica paz duradero ora e forsanan retira.

P'awo, e prioridad ta keda inmediato: restaura un nivel minimo di siguridad den un pais unda bida diario a bira extremadamente peligroso. E presencia multinacional expandi, cu e contribucion di Chad, por duna un oportunidad pa recupera control di areanan clave y reduci e influencia di e gangnan.

Sinembargo, e reto mas grandi ta keda sin resolve. Futuro di Haiti lo depende no solamente riba stabilisacion militar, sino riba reconstruccion di institucionnan capaz di mantene orden independientemente. E yegada di e soldaatnan di Chad ta un escalacion significativa; si esaki lo bira un punto di buelta of simplemente un otro medida temporal, lo depende di kico lo pasa mas leu cu e campo di bataya.

MAJESTIC 297
BARBER STUDIO

Haircuts • Beard • Styling

Rococó Plaza
748 3916
majestic297brs@gmail.com

Look Sharp. Feel Majestic.

DEPORTE

DEPORTE@AWEMAINTA.COM

Elisabeth Timmer ta pone Aruba riba mapa na Rotterdam

STINGRAY Swimming Team ta sigui celebra un desempeño excepcional di su atleta elite, **Elisabeth Timmer**, kende durante e **Rotterdam Qualification Meet 2026** a confirma su crecimiento continuo riba escenario internacional cu e recordnan nacional, multipel mehoracion di tempo (personal best) y un mentalidad fuerte cu ta sigui pusha su mes pa mas.

Record Arubano kibra dos biaha

Elisabeth a logra algo extraordinario den evento di 100m freestyle: **Dos biaha kibra Record Arubano den un solo dia.** Mainta el a kibra e record pa prome biaha, marcando un tempo di 56.68 y atardi el a bolbe baha su tempo, cu pa un impresionante tempo di 56.45.

E resultado aki no solamente ta un logro tecnico, pero un prueba di consistencia y capacidad pa presta bou di presion.

3 Personal best: Señal di progreso real

Durante e competencia aki, Elisabeth a registra:

- 100m Freestyle – 2x PB (y record Arubano)
- 50m Freestyle – 1x PB

Tres mehoracion di tempo (PB) den un competencia internacional ta confirma cu su training ta dunando resultado y cu e ta avansando den e direccion corecto.

50m Backstroke: Cerca di un siguiente record nacional

Den e 50m lomba, Elisabeth a termina e final cu un tempo di 30.26, yegando cada biaha mas cerca na e meta di baha bou di 30 seconde.

Segun su propio palabranan:


“Mi no a logra kibra e record ainda, pero mi a keda hopi cerca...y e 29 seconde lo bini pronto, paso mi ta sigui train duro.”

E determinacion aki ta refleha claramente e mentalidad di un atleta cu no ta conforma, pero cu ta sigui traha pa excelencia.

Mentalidad di Campeon

Mas cu e temponan, loke ta destaca ta su actitud:

- Refleha riba su carera



- Reconoce unda por mehora
 - Y sigui cu enfoke pa e siguiente oportunidad
- Esey ta e base di berdadero crecimiento den deporte di nivel halto.

Orguyo pa Aruba

Competiendo contra e atletanan di nivel Europeo, Elisabeth Timmer ta pone Aruba riba mapa cu cada salida, cada stroke y cada finish. Su logro ta un inspiracion pa e landadonan hoben y un ehempel cla di con leu dedicacion y disciplina por yega.

Stingray ta celebra

Stingray Swimming Team ta felicita Elisabeth pa su desempeño extraordinario di bolbe tin Record Arubano, hunto cu multipel mehoracion di tempo (PB's) y un progreso constante.



FIA ta ahusta reglanan di F1

Despues di preocupacion di coredo pa siguridad y husticia

E Fédération Internationale de l'Automobile (FIA) a confirma un serie di ahuste den e reglanan di Formula 1, despues di e preocupacionnan creciente di e coredonan riba siguridad y e impacto practico di e sistemanan nobo di maneho di energia.

E cambionan aki ta bin tempran den e ciclo regulatorio di 2026, un periodo cu caba tabata marca pa tension segun e ekiponan y coredonan ta adapta na un generacion nobo di motor (hybrid power units). E punto central di e problema tawata con e distribucion di energia ta afecta e comportacion den e careda; varios coredo a expresa frustracion cu e configuracionnan actual no solamente ta afecta e competitividad, sino tambe ta crea situacionnan impredecibel riba pista.

Segun FIA, e reglanan actualisa ta diseña pa atende e preocupacionnan aki directamente, cu un enfoke riba mihoria di siguridad y husticia competitivo. Maske e organo regulador no a cambia e sistema completo, e ahustenan tin como meta reduci e fasenan excesivo di “energy-saving” cu a obliga coredonan den patroninan di core masha straño—specialmente durante intentonan pa pasa otro auto of den movecionnan defensivo.

E coredonan a splica cu e entrega inconsistente di potencia tawata hiba na scenarionan unda e autonan diripiente tabata perde rendimiento den medio di un bataya, aumentando e riesgo di un mal huicio na velocidadnan halto. Den un deporte unda e margennan ta wordo midi den miliseconde, e falta di predictibilidad aki por traduci masha lihe den riesgonan di siguridad.

FIA a reconoce e puntonan aki den nan declaracion, enfatisando cu “siguridad y husticia ta keda e prioridadnan mas halto.” E respuesta aki ta refleha un realidad mas amplio den e Formula 1 moderno: innovacion tecnologico mester keda alinea cu e control di e coredo y e integridad di e careda.

E regulacionnan di 2026 tabata tin e intencion di pusha e deporte den direccion di un futuro mas sostenibel, cu un enfasis mas grandi riba uzo di energia electrica y eficiencia. Sinembargo, e implementacion tempran a saca retronan na bista. Ekiponan a wordo obliga den strategianan complica di maneho di energia,



hopi biaha exigiendo coredonan pa sacrifica e careda puro pa por conserva e bateria.

Esaki a trece critica cu e caredanan ta core riesgo di bira demasiado strategico y menos intuitivo, unda e coredonan ta simplemente manehando sistema en bes di core “flat-out”. Mas importante ainda, el a crea situacionnan unda e diferencia den disponibilidad di energia entre e autonan por distorsiona e competencia cara a cara.

Door di interveni rapidamente, FIA ta manda un señal cu nan ta dispuesto pa cambia curso en bes di laga e frustracion crece. Historicamente, e organo tawata cauteloso cu cambionan asina, pero e rapidez di e respuesta aki ta sugeri cu e feedback di e coredonan ta wordo tuma hopi na serio—specialmente ora siguridad ta parti di e ecuacion.

Awor e ekiponan lo tin cu recalibra nan “setups” di acuerdo cu e reglanan nobo, mientras e coredonan lo ta vigilando cerca si e cambionan aki realmente ta traduci den condicionnan di careda mas predictibel y mas safe. **E pregunta mas grandi, toch, ta keda sin resolve:** Segun Formula 1 ta sigui evoluciona tecnologicamente, e balansa entre innovacion, espectáculo y siguridad ta bira cada bes mas delicado.

P'awo, FIA a laga su posicion cla: progreso no por bin a costo di control. Y si e coredonan no ta sinti nan mes comodo, e sistema lo tin cu adapta.

Un golpi mas:

Lesion ta saca Draper for di preparacion riba cancha di Klei


E hungado number uno di Gran Bretaña, Jack Draper, ta den un careda contra tempo pa e por ta den condicion pa e French Open, despues cu un lesion preocupante na su rudia a obligu'e retira for di torneonan clave riba klei.

Caba a keda confirma cu Draper lo no participa den e Madrid Open ni den e Italian Open—dos evento crucial cu normalmente ta sirbi como preparacion pa Roland Garros. Su ausencia den e torneonan aki ta interumpi su preparacion pa e di dos Grand Slam di e temporada, lantando dudanan serio riba su disponibilidad.

E lesion aki ta representa un otro capitulo frustrante den loke ta un carera hopi biaha interumpi pa problemanan fisico. Draper, kende hopi ta considera un di e talentonan mas priminti di Gran Britania, a lucha pa mantene un ritmo constante debi na lesionnan recurente. Cada bes cu e parce di ta logra un progreso grandi, problemanan di salud ta want'e den su caminda.

E problema actual na su rudia ta specialmente preocupante mirando e demanda fisico di e wega riba klei. E superficie aki ta exige rallynan largo, slide frecuente, y movecionnan lateral intenso—poniendo presion adicional riba e articulacionnan, specialmente e rudianan. Sin e preparacion adecua y e ritmo di wega necesario, hasta un regreso por trece riesgo cu ne.

Pa Draper, e momento aki no por tawata pio. E French Open no solamente ta un oportunidad pa competi na e nivel mas



halto, sino tambe un chens pa solidifica su posicion entre e elite nobo di e deporte. Perde e torneonan di preparacion ta nifica drenta e competencia sin ta debidamente prepara—of potencialmente perde e Grand Slam mes completo.

Ta spera cu su ekipo lo tuma un acercamento cauteloso. Den tennis moderno, purba bolbe mucho lihe despues di un lesion hopi biaha ta hiba na problemanan mas serio a largo plaso, y e historial di Draper ta haci un maneho cuidadoso esencial. E prioridad no ta solamente participacion a corto plaso, sino durabilidad den futuro.

Mirando e panorama mas amplio, su ausencia na Madrid y Roma tambe ta afecta e nivel di e competencia. Tur dos torneo tin un cuadro di hungado hopi fuerte, y e estilo di hunga agresivo di Draper, hunto cu su bentaha di ta robes, a haci'e un contrincante dificil pa e hungadonan den e top mundial. Su retiro ta kita un “*disruptor*” potencial for di e competencia.

Awor e incertidumbre ta keda riba e lunanan cu ta bin. Tempo di recuperacion pa lesion di rudia por varia hopi depende di e gravedad, y no tin un fecha definitivo confirma pa su regreso. Loke ta bisto ta cu Draper ta den un careda—no contra su oponentenan, sino contra tempo y contra su mesun curpa.

Pa e tennis Britanico, e situacion ta igualmente preocupante. Draper ta wordo mira como un figura clave den e siguiente generacion, cargando cu e expectativa di competi consistentemente pa titulonan di Grand Slam. E interrupcionnan continuo pa motibo di lesion ta risca retrasa e trayectoria aki.

Segun Roland Garros ta acerca, e enfoke lo keda riba si Draper por recupera suficientemente pa competi—y si e logra, den ki condicion e lo ta. Pasobra den tennis di elite, presenta na e wega ta solamente parti di e reto. Ta den pleno condicion fisico ta loke ta determina si realmente bo por competi pa gana.

DESTINY SECURITY

WE'RE HIRING

SECURITY GUARD

SEND US YOUR CV by whatsapp

REQUIREMENT:

- FLEXIBILITY**
AVAILABILITY TO WORK ALL SHIFTS
- FACULTY**
PUNCTUAL AND RESPONSIBLE
- EXCELLENT COMMUNICATION SKILLS**
STRONG ENGLISH AND PAPIAMENTU.

We are a company dedicated to security and prevention services, offering competitive salaries and opportunities for advancement.

Do not hesitate to contact us.

5947937

Dominio tempran:

Miller ta duna Padres un bentaha nobo

E ekipo di San Diego Padres kisas a haya un hungado cu ta marca diferencia mesora, awor cu Mason Miller ta duna un inicio impresionante riba e monticulo.

Desde su prome aparicionnan, Miller a trece precies loke e Padres tawata tin mester: **Poder, control y presencia**. Su “fastball”—ya caba conoci den Major League Baseball pa su velocidad di nivel halto—consistentemente ta yega e limitenan superior, dominando e batidonan y dictando e ritmo di e wega desde trempan. Pero no ta djis velocidad; loke ta resalta ta su “command” (control di picheo).

Su prome partidonan ta muestra un pitcher cu no simplemente ta tira duro, sino cu ta picha cu un meta cla. Miller a mescla su diferente picheonan efectivamente, manteniendo e batidonan fuera di balansa y limitando contactonan fuerte. Pa un ekipo cu ta busca estabilidad den su rotacion y den e profundidad di su “bullpen”, e nivel di ehecucion aki ta significativo.

E momento no por tabata miho. E Padres a drenta e temporada aki cu hopi expectativa pero tambe cu hopi pregunta—specialmente riba e consistencia riba monticulo. Lesionnan, variacion den forma y e confiansa den e bullpen tabata puntonan di preocupacion. E yegada di Miller, y su impacto inmediato, ta cuminsa atende e problemanan aki.

Loke ta haci su inicio especialmente impresionante ta su tranquilidad. Pitchernan hoben of esnan cu ta nobo den un ekipo hopi biaha tin mester di tempo pa adapta na situacionnan di presion, specialmente den un ekipo cu mester competi pa e titulo. Miller, sinembargo, a muestra masha poco duda. Sea drentando den momentonan critico of den inicio di un wega, el a picha cu un confiansa cu ta muestra mas madurez cu su experiencia real.

Pa e batidonan contrario, e reto ta bisto. E velocidad di Miller ta obliga nan tuma decisionnan mas lihe, mientras su picheonan secundario ta crea duda. E combinacion ey ta dificil pa ahusta den un serie cortico, locual ta duna e Padres un bentaha tactico den encuentronan clave.

Mas aleu di su rendimiento individual, su presencia tin un efecto positivo riba e resto di e ekipo. Un brasa confiabel ta cambia e strategia di e bullpen, ta reduci e presion riba e pitchernan habrido, y ta duna e “coaching staff” mas flexibilidad den e ultimo iningnan di e wega. Den un temporada largo di MLB, e bentahanan chikito aki hopi biaha ta separa



e ganadonan for di e restonan.

Toch, mester mantene perspectiva. Exito den inicio no semper ta garantiza dominio pa semper. E liga ta ahusta masha lihe, y e ekiponan contrario lo cuminsa studia e tendencia y patronchinan di Miller pa trata di probecha di nan. E durabilidad tambe lo ta un factor—mantene e rendimiento aki durante henter un temporada ta un reto diferente cu un bon inicio.

Asina mes, e señalnan ta positivo. E combinacion di talento puro y ehecucion efectivo ta sugeri cu Miller ta mas cu simplemente un yudansa temporal. E tin e hermentnan pa bira un pilar central den e estructura di picheo di e Padres. P'awo, San Diego ta beneficiando di un realidad simpel pero poderoso: **Ora Miller subi monticulo, nan tin un bentaha cla.**

**100% FREE
SPAY & NEUTER**

FOR ALL DOGS & CATS AT
PARTICIPATING VETS
REGISTER TODAY:

WWW.STIMAMISTERILISAMI.COM

Stimami. Sterilisami.

BON PA SA



E inkt di identidad:

Con e firma humilde a defini e mundo moderno

NOS ta firma nos number hopi biaha pa luna—riba pantayanan digital den banco, na pia di un contract di huur, of riba un carchi di gradicimento.

Pa nos, un firma ta un formalidad rutinario. Pero for di un punto di bista historico, e acto di pone pen riba papel pa crea un marca unico ta un di e cambionan mas profundo den historia legal y social. E ta representa e momento cu sociedad a move for di e poder di e “spada” pa e poder di e “individuo.”

For di seyo di wax pa inkt

Den e periodo medieval tempran, un firma no tabata e manera standard pa prueba bo identidad. Mayoria hende no por a lesa ni skirbi, y e idea cu bo letra di man tabata un identificador unico no tabata existi ainda.

En bes di esey, e elite tabata uza renchi di seyo y wax cayente. E seyonan aki tabata representa e autoridad di un famia of di un oficina, mas cu e persona mes. Si bo tabatin e seyo, bo tabatin e poder.

Segun cu comercio a expande y alfabetisacion a plama durante e Renaissance, e seyo di wax a bira inpractico pa e clase comercial cu tabata crece. Hende tabatin mester di un manera pa verifica acuerdonan mas rapido y personal. Pa tempo di e Statute of Frauds na 1677 na Inglatera, a codifica e firma den ley como un rekisito pa hopi contract. Esaki tabata un cambio revolucionario: ***Pa prome biaha, bo mesun man—y no un prenda di joya of un stempel real—tabata e prueba supremo di bo voluntad.***



E firma como declaracion

Den e siglo 18 y 19, e firma a evolucionar for di un instrumento legal pa un cultural. Hende tabata kere cu e manera cu un persona ta firma su number tabata revela su caracter. E era aki a duna bida na grafologia, e estudio di letra di man.

Un die ehempelman mas famoso di un firma como un declaracion ta esun di John Hancock riba e Declaracion di Independencia di Merca na 1776. Leyenda ta conta cu el a firma su number asina grandi pa Rey George III por a les’e sin su bril. Maske e storia ey probablemente ta un mito, e number “John Hancock” a bira un sinonimo pa e palabra “firma” mes, probando cu un number riba papel por ta un acto di rebeldia.

Un marca di libertad

Historicamente, e capacidad pa firma bo number tabata wordo uza hopi biaha como un midi di alfabetisacion. Den añanan 1800, esnan cu no por a skirbi

nan number tabata firma cu un “X.” E marca aki mester tabatin testigo pa e tabata valido. E transicion for di un “X” pa un number skirbi na cursivo tabata un momento importante, simbolizando cu un persona a drenta e mundo educa y cu e por tabatin propiedad, vota, y haci negoshi independientemente.

Pakico esaki ta “Bon pa sa”

Awe nos ta drentando e era di e “firma biometrico”—uzando marca di dede of reconocimiento di cara. Segun nos ta aleha nos mes for di inkt fisico, ta bon pa corda kico e firma na man a duna nos.

E tabata e prome tecnologia cu a permiti un individuo bisa: “Mi tabata akinan, mi ta duna mi palabra, y mi ta responsabel pa esaki.” El a move e peso di ley for di e monarca pa e ciudadano individual. E prome biaha cu bo firma un recibo, corda cu bo ta practicando un tradicion cu a yuda lanta e conceptonan di responsabilidad personal y derechonan legal moderno.



FUN FACTS

Descubrimiento historico:

A haya fragmento di 'Iliada' den stoma di momia na Egipto

DEN UN suceso sin precedente pa e mundo di arkeologia, un ekipo di investigacion Hispano-Egipcio a realiza un descubrimiento asombroso den e ciudad antiguo di Oxirrincó, conoci awe como El-Bahnasa. Durante e trabounan di excavacion recién finalisa entre november y december di 2025, e científiconan a localisa un momia cu tabatin un papiro di e poema epico 'Iliada' di Homero poni den su stoma durante e proceso di embalsamamento.

E noticia aki, cu a keda confirma e siman aki dia 21 di april, ta marca e prome biaha den historia cu ta haya un documento literario di e importancia aki directamente den e organonan interno di un curpa preserva. Segun e portal specialisa Arkeonews, e papiro ta contene un pasashi específico di e di dos canto di e obra, miho conoci como e 'Catalogo di e barconan'.

Un joya literario den un graf Romano

E sitio di Oxirrincó, situa rond di 190 kilometer sur di El Cairo banda di un brasa di riu Nilo, ta famoso pa su capacidad di preservacion. Danki na e clima extremadamente seco y e falta di asentamento moderno riba e ruinan, e tera a warda miles di documento pa varios siglo. E biaha aki, e hallazgo a wordo haci den un compleho funerario cu ta data di e epoca Romano, cu un antigüedad di aproximadamente 1.600 año.

E estructura funerario ta consisti di tres graf di piedra subteraneo situa den cercanía di e conocido Graf 67 di e era Ptolemaico. Den e interior, e arkeologonan a haya un variedad di artefacto cu ta duna testimonio di e riquesa di e sociedad di e tempo ey. Entre e obhetonan recupera tin estatua di brons, teracota y varios sarcófago di palo pinta cu figuranan geometrico colorido cu ainda ta visibel riba e lino cu ta lora e difuntonan.

E elite y e ritual di lenga di oro

Un otro detaye cu a hala atencion di e investigadonan ta e presencia di lenga di oro den e boca di algun di e momianan. E amuleto aki tabata wordo uza pa permiti e difunto papia den e bida despues di morto, specialmente ora di enfrenta e huicio di Osiris, e dios di e inframundo. E uzo di e material precioso aki ta indica cu e personanan dera den e sitio



tabata pertenece na e elite local di e epoca.

E hecho cu un fragmento di 'Iliada' a wordo uza den e proceso di embalsamamento ta habri portanan nobo pa comprende e fusion cultural den e Egipto Romano. E ta demostra con e tradicionnan Egipcio di bida eterno a mescla cu e influencia intelectual y literario di e mundo Greco-Romano. Actualmente, e científiconan ta sigui analisa e papiro pa determina si tin mas texto scondi den e barica di e momia, loke por duna mas claridad riba e nivel cultural di e habitan-
tenan di Oxirrincó den e transicion historico aki.

Fuente: Arkeonews.net



NOW PLAYING



You, Me & Tuscany

Anna impulsively jets off to Tuscany, Italy, to stay at a stranger's villa without permission. Caught inside the house by the man's mother, she convinces the woman that she's his fiancée. That little lie soon becomes a big problem when Anna develops a growing attraction to the stranger's handsome cousin.



The Mummy

The young daughter of a journalist disappears into the desert without a trace. Eight years later, the broken family is shocked when she's returned to them. However, what should be a joyful reunion soon turns into a living nightmare as she starts to transform into something truly horrifying.



Super Mario Galaxy

The Super Mario Galaxy Movie is a 2026 animated adventure comedy film based on the 2007 video game Super Mario Galaxy and its 2010 sequel, as well as Nintendo's broader Mario franchise. Produced by Illumination and Nintendo, and distributed by Universal Pictures, it is the sequel to The Super Mario Bros. Movie.



Bhooth Bangla

Bhooth Bangla is an upcoming Indian Hindi-language horror comedy film directed by Priyadarshan and produced by Akshay Kumar, Ekta Kapoor and Shobha Kapoor. The film stars Akshay Kumar, Paresh Rawal, Jisshu Sengupta, Rajpal Yadav, Tabu and Wamiqa Gabbi. It is scheduled for a theatrical release on 17 April 2026.

For Showtimes and Online Ticketing: www.caribbeancinemas.com

Entrega di dos publicacion ta destaca balor di conocimiento botanico y tradicion medicinal



PROME Minister Mike Eman a ricibi recientemente dos publicacion importante cu ta resalta conocimiento botanico y herencia natural di e region Caribe.

E prome publicacion, Zakflora, presenta pa biologo André van Proosdij. E obra ta considera un referencia fundamental riba flora di Aruba, Boneiro y Corsou, incluyendo casi 600 especie di mata cu ta crece den natura. E publicacion ta un instrumento esencial pa profesionalnan y amante di naturaleza, facilitando identificacion y, consecuentemente, proteccion di biodiversidad.

Durante e encuentro, a señala importancia di continua documentacion di flora local, considerando cu desde e ultimo edicion, publica na 2012, a wordo identifica mas cu 100 especie nobo den e region. Prome Minister a enfatisa cu proteccion di naturaleza ta un responsabilidad comparti, y cu conocimiento ta un base importante pa conservacion pa futuro generacionnan.

Adicionalmente, a presenta e buki E guia practico di TRAMIL di mata medicinal di Caribe pa cuido primario di salud, un publicacion den Papiamento desaroya pa TRAMIL. E guia ta ofrece informacion accesibel riba 38 especie di mata medicinal comun den Caribe, cu aplicacion den cuido primario di salud.

E publicacion ta basa riba investigacion científico y experiencia regional, y ta forma parti di un esfuerzo pa haci conocimiento tradicional mas accesibel y responsabel pa uzo den comunidad. E guia ta inclui informacion practico riba uzo di mata, preparacion y orientacion pa uzo sigur.

E entrega di e dos obra ta resalta e importancia di combina ciencia y tradicion den desaroyo di conocimiento local. E



encuentro a wordo caracteriza pa un ambiente di apreciacion y reconocimiento pa iniciativa cu ta contribui na preservacion di naturaleza y fortalecimiento di conocimiento den comunidad.

Bou liderazgo di Prome Minister, ta keda enfasis riba importancia di conocimiento, conservacion y colaboracion pa sostenibilidad di Aruba y e region.



Grupo di adulto mayor Honey Bees ta celebra 10 aña di existencia

GRUPO di adulto mayor Honey Bees Dakota a celebra nan 10 aña di existencia, marcando un decada di encuentro, amistad y actividad den comunidad.

E celebracion a inicia cu un desayuno ameno, caminda e bista di alegria tabata visibel riba cara di cada miembro. Un momento di hopi orguyo tabata ora cu e grupo a uni nan bosnan pa canta nos Himno Nacional, sigui pa e propio himno di Honey Bees, simbolizando e union y e identidad fuerte cu nan a cultiva den e ultimo decada.

E mainta a conta cu presencia di Minister Wyatt-Ras, kende a comparti un rato ameno cu e miembronan di Honey Bees pa felicita nan personalmente cu e bunita aniversario aki. Durante e añanan, Honey Bees a crea un espacio caminda adultonan mayor por reuni regularmente pa comparti, mantene nan actividad social y fortalece lasonan di amistad. Iniciativanan manera esaki ta contribui directamente na bienestar emocional y calidad di bida di nos adultonan mayor.



E Ministerio di Salubridad, Asunto Social, Cuido di Adulto Mayor y Maneho di Adiccion ta reconoce e balor di grupo comunitario manera Honey Bees, cu ta promove participacion activo y inclusion social.

“Nos adultonan mayor ta un pilar importante den nos comunidad. Iniciativanan manera Honey Bees ta muestra con union, atencion y actividad social por haci un diferencia real den bida di nos adultonan mayor,” segun Minister Wyatt-Ras.

Cu e celebracion aki, e Ministerio ta reafirma su compromiso pa percura cu e calidad di bida di nos adultonan mayor ta keda un prioridad den nos sociedad, mirando e impacto positivo cu e tipo di asociacionnan aki tin pa Aruba. Na nomber di e Ministerio, nos ta felicita grupo Honey Bees Dakota cu nan 10 aña di dedicacion y ta desea nan hopi exito den e añanan cu ta bin.



MENSAHE DI DIA

Diaranson, 22 april, 2026

**Mi ta cana awe
manera e persona cu a caba
di ricibi e bendicion.
E ta sinti natural
y maravioso.**

@fundacionepoderdenmi

APRIL 25
5 PM - 9 PM

HARBOUR
ARENA
CMB

KING'S DEAL

CarShow + Sales

Tur deal aproba y firma lo haya

1% Cash Back
di e prestamo.

CHENS PA GANA

10%

DI E PRESTAMO

TE CU UN MAXIMO DI AFL. 10,000.00



ONE STOP SHOP EVENT

- 👑 8 car dealership presente
- 👑 CMB N.V. cu pago mensual atractivo
- 👑 CMB Insurance cu diferente deal riba seguro pa auto



Presta responsabel.

E oferta aki (A King's Deal) ta valido cuminsando 28 di maart, 2026 te cu 25 di april, 2026. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 5.77% te cu 7.53% p.a. pa sumanan entre minimo Afl. 30,000.00 te cu maximo Afl. 150,000.00 cu un termino pa paga bek entre minimo 5 te cu maximo 7 aña. Un cobranza pa seguro di bida di Afl. 10.00 pa cada luna te cu un maximo di Afl 600.00 y un gasto di administracion di Afl. 15.00 pa cada luna lo wordo añadi automaticamente na bo prestamo.

Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e termino di pago acorda. Den e caso di un periodo di preaviso di seis luna o menos: un boet pa e suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: un boet di Afl. 500.00 lo ta aplicabel. E premio di 10% cash back di e suma di e prestamo pa auto lo ta te na un maximo di Afl. 10,000.00. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.



Debate tocante reforma di libertad condicional na Corsou ta bira mas intenso

UN proposicion pa cambia e Codice Penal di Corsou ta enfrentando un resistencia cada bes mas fuerte den Parlamento. Tanto miembran di oposicion como algun di e coalicion mes a expresa nan preocupacion profundo tocante e introduccion di condicionnan financiero mara na libertad condicional. E disputa aki ta bisto diamars, ora cu e discusionnan a drenta un fase critico den e sala di reunion di Staten.

E concepto di ley en cuestion ta busca pa modifica e reglanan cu ta rondona e proceso di libertad condicional. E punto mas polemico ta e posibilidad di rekeri un tipo di garantia financiero, of fianza, prome cu un detenido por sali bek den comunidad. Criticonan di e medida aki ta argumenta cu esaki ta habri porta pa un desigualdad peligroso den e sistema di husticia. E miedo principal ta cu e acceso na libertad lo por depende awo di e capacidad economico di un persona, en bes di su conducta of rehabilitacion.

Resistencia for di tur skina politico

Suzanne Camelia-Romer, parlamentario pa MAN-PIN, ta un di e bosnan mas fuerte contra e proposicion aki. Segun e parlamentario, e medida lo por hiba na desigualdad legal y lo duna e Minister di Husticia un poder di discrecion demasiado grandi riba libertad di e ciudadano. Pa e motibo aki, el a presenta formalmente un amienda cu e obhetivo di limita e alcance di e provision ey y pa percura cu tin salvaguardia mucho mas cla den e ley.

Loke a hala atencion den e debate aki ta cu e critica no ta bin solamente for di e bankinan di oposicion. Varios miembro di e coalicion di gobierno tambe a cuminsa cuestiona e direccion di e reforma. Nan ta enfatisa cu decisionnan riba libertad condicional mester keda basa exclusivamente riba e comportacion di e detenido, su progreso den programan di rehabilitacion y su preparacion real pa reintegra den sociedad como un persona cambia.

E posicion di Minister di Husticia

Frente na e criticanan fuerte, Minister di Husticia, Shalten



Hato, a reconoce den Parlamento cu e proposicion actual tin cierto ambigüedad. El a indica cu e ta habri pa haci ahustenan necesario na e texto di e ley. Tambe el a confirma cu lo e bay revisa e amienda cu oposicion a entrega, locual ta duna un señal cu ley lo por wordo modifica seriamente prome cu e yega na su aprobacion final.

E debate aki a sali na cla un distincion legal hopi fundamental. Mientras cu garantianan financiero ta algo comun den caso di detencion preventivo pa evita cu un sospechoso ta huy, libertad condicional tin un meta totalmente diferente: e ta pa apoya reintegracion y mehoracion di conducta. Criticonan ta insisti cu mescla e dos conceptonan aki por debilita e fundeshi mes di e sistema di husticia penal.

Un debate riba igualdad y poder

E discusion a evoluciona den algo mas grandi cu simplemente un cambio di ley. Awo e ta wordo mira como un debate nacional riba igualdad pa ley y e balansa di poder entre e poder hudicial y e poder ehecutivo. E pregunta central cu ta keda colga den aire ta si Corsou kier un sistema caminda libertad tin un prijs, of un caminda husticia ta mescos pa tur hende, independientemente di nan cartera. E siman aki lo ta decisivo pa mira con e reforma aki lo keda defini den su forma final.

Fuente: Curacao Chronicle

Punda ta bisti na blauw pa duna sosten total n'e seleccion nacional

E curason historico di e capital di Corsou ta bisti un bachi nobo pa celebra e caminda di e seleccion nacional di futbol pa e Mundial 2026. Diamars e organisacionnan tras di e bunita proyecto aki a lansa oficialmente e campaña titula 'Punda Goes Blue'. E iniciativa aki tin como meta principal pa crea un ambiente di union y alegria den henter e centro di stad, mustrandu e orguyo cu e pueblo di Corsou ta sinti pa su hungadonan cu pronto lo briya riba e escenario internacional mas grandi di deporte.

E punto di atencion mas grandi di e campaña aki ta e instalacion di un Chichi nobo den un colo blauw bibo y briyante. E figura iconico aki lo wordo revela oficialmente e diahuebs awo, 23 di april, den centro di Punda. E Chichi blauw aki no ta djis un obra di arte mas, sino e ta fungi como un simbolo visual potente di e sosten incondicional cu tanto e comerciantenan como e bishitantenan di Punda ta duna na e team nacional den nan preparacion pa e Campeonato Mundial di Futbol.

Un simbolo di amor p'e seleccion

E campaña 'Punda Goes Blue' kier envolve tur hende, for di e doñonan di tienda te na e personanan cu ta cana tur dia den e cayanan di Punda. Como centro di e movimiento aki, e artista Serena Israel a haci un donacion di un obra specialmente pinta pa e ocasion aki: **E 'Blue Love Chichi'**. E estatua grandi aki, pinta completamente na man, lo ta e punto di encuentro unda e campaña ta bin hunto. E ta representa e amor pa e deporte y e identidad di e isla cu ta uni tras di e seleccion nacional.

E introduccion di e Chichi blauw aki ta trece algun cambio temporario den e bista di Punda. E conocido 'Willemstad Chichi' cu pa cuater aña largo tabata riba Plaza Wilhelmina, a wordo kita for di su luga pa un motibo hopi special. Despues di e uzo intensivo door di miles di turista y local cu a saca potret cu ne, e imagen tin mester di un mantencion completo. Pa e motibo ey, el a wordo transporta pa un tayer unda lo e wordo restaura pa e briya manera e prome dia.

Restauracion y eventonan internacional

E plan pa e Chichi original ta inclui un parada breve den un evento di golf internacional cu lo tuma luga na final di e luna aki di april. Despues di e participacion ey, e imagen lo bolbe bek na su luga acostumbra den Punda, mas bunita cu nunca. Mientrastanto, e Chichi blauw lo keda como e protagonista



absoluto den e cayanan di stad, hibando e mensahe di e seleccion nacional na tur skina.

E campaña aki ta un combinacion perfecto di mercadeo di ciudad, cultura local y e pasion pa deporte. E meta ta pa e caminda pa e Mundial no sea solamente algo cu nos ta mira na television, sino algo cu nos ta sinti y presencia den nos bida diario den e cayanan di Willemstad. Punda ta demostra cu ora e seleccion hunga, henter e isla ta bisti blauw hunto cu nan. Esaki ta e momento pa e comunidad uni y mustra mundo cu e curason di Corsou ta bati mas fuerte cu nunca pa su seleccion nacional.

Fuente: Curacao.nu



Hobennan di Boneiro lo ricibi training special pa uzo safe di fatbikes den trafico

E popularidad di fatbikes entre e hubentud na Boneiro a crece di un manera impresionante den e ultimo lunanan. Sinembargo, e aumento aki den uzo di e baisnan electrico cu taira hanchu a trece cu ne tambe un preocupacion grandi pa loke ta e siguridad riba caminda publico. Pa e motibo aki, a lansa diamars, 21 di april, un iniciativa nobo unda lo organisa un training special diseña pa siña e hobennan con pa participa den trafico di un manera responsabel y legal.

E obhetivo principal di e programa aki ta pa educa e usuari-
onan hoben riba e risiconan cu e vehiculonan aki ta trece cu ne si no uza nan debidamente. Hopi biaha e fatbikes aki por alcanza velocidadnan halto, locual por bira peligroso tanto pa e coredo mes como pa e peatonnan y e autonan cu ta comparti caminda. Door di ofrece e training aki, e organisadonan kier sigura cu e hubentud por disfruta di nan fatbike, pero semper teniendo e siguridad di tur hende como prioridad numero un.

Un combinacion di teoria y practica

E training no lo ta solamente un charla seco, sino un experiencia interactivo cu lo wordo dividi den dos parti fundamental. Na prome luga, e participantenan lo ricibi un splicacion teoretico cortico pero hopi intensivo. Durante e parti aki, lo enfoca riba e reglanan di trafico vigente na Boneiro cu ta aplica especificamente pa e tipo di vehiculonan aki. Hopi hoben no sa, por ehempel, ki ora nan tin preferencia of cual ta e partinan di caminda unda nan tin mag di core oficialmente.

Despues di e parti teoretico, e enfoke lo cambia radicalmente pa e parti practico. Esaki ta e momento unda e hobennan lo por demonstra nan habilidad y siña maniobranan nobo bao di supervision di expertonan. E training lo pone hopi atencion riba situacionnan real cu un coredo por topa cu ne tur dia riba caminda publico. Esaki ta inclui con pa reacciona den un caso di emergencia, con pa brake di un manera safe ora tin hopi tera riba caminda, y con pa comunica cu otro usar-

ionan di trafico uza señalnan di man cla.

Detayenan di e evento na Biblioteca Publico

E training special aki lo tuma luga dia 25 di april proximo, cuminsando for di 5:00 te cu 6:00 di atardi. E luga scogi pa e encuentro educativo aki ta Biblioteca Publico di Boneiro, un sitio central unda e hobennan por yega facilmente cu nan mesun fatbike. E organisadonan a scoge e orario aki specialmente pa coincidi cu e ora cu scol ta caba y e solo ta cuminsa baha un poco, facilitando e parti practico pafo di e edificio.

E meta final ta pa crea un cultura di siguridad mas fuerte den nos comunidad. No ta trata solamente di evita accidente, sino di fomenta un comportacion den trafico cu ta basa riba respet mutuo. Ora un hoben sa exactamente con su fatbike ta reacciona y kico e reglanan ta, e ta sinti su mes mas sigur di su mes y esey ta traduci den menos stress riba caminda.

Un contribucion na e siguridad general

Cu e combinacion aki di teoria y practica, e organisadonan tin e speransa cu e training aki lo bira un modelo pa futuro iniciativanan similar. E crecimiento di fatbikes no ta un trend cu lo desaparece pronto, p'esey ta esencial pa e infraestructura educativo bay pareu cu e avance tecnologico di e baisnan aki. Boneiro kier keda un isla safe unda tur hende, sea nan ta den auto, na pia of riba un fatbike, por move sin miedo.

Tur hoben cu tin un fatbike of cu ta pensando den compra un pronto, ta wordo cordialmente invita pa participa den e training gratuito aki. Esaki ta e oportunidad perfecto pa bira un experto den e uzo di bo fatbike y n'e mesun momento yuda pa e trafico na Boneiro bira un ehempel di orden y siguridad pa henter e region di Reino. Sigur cu e informacion aki, e comunidad por spera un miho convivencia den e cayanen den e añanan cu ta bin.

Fuente: Bonaire.nu

Incertidumbre riba prome liña di bus na Boneiro

Plannan no ta concreto ainda

E speranza cu Boneiro lo por conta cu su prome servicio di bus publico pa september 2026 a resulta di ta prematuro. Esaki a wordo confirma diamars door di un vocero di e Colegio Ehecutivo (BC) di Boneiro. E declaracion aki a bin despues di varios pregunta riba informenan cu a sali recientemente den otro medionan di comunicacion, caminda tabata wordo afirma cu e prome liña di bus lo tabata operacional mesora despues di e vakantie di zomer.

Anteriormente, a wordo biba e idea cu e isla lo tabata cla pa lansa su sistema di transporte publico den un tempo record. E sugerencia aki a wordo basa en parte riba preguntanan parlamentario y plannan administrativo cu a keda presenta anteriormente. Den e documentonan ey, tabata wordo haci referencia na e acuerdonan den e Acuerdo Administrativo di Boneiro 2024–2027 y e asina yama ‘Regional Deal’. Tur dos documento aki ta pone movilidad y desaroyo di area como puntonan principal di prioridad pa e isla. Informenan previo tabata indica tambe cu e administracion anterior di e isla a bay di acuerdo caba pa lanta un organisacion cu lo tabata encarga pa maneha e servicionan di transporte publico.

Un plan cu no por wordo realisa

Sinembargo, segun e Colegio Ehecutivo actual, e bista aki cu a wordo presenta anteriormente ta demasiado optimista y aleha for di realidad. Personanan involvi den e proceso ta splica cu e plannan pa un liña di bus ta ainda den un fase masha prematuro mes. E realisacion di un proyecto di e magnitud aki prome cu september 2026, por lo menos den e forma cu el a wordo describi anteriormente, ta wordo considera como algo imposibel pa logra.

E BC nobo ta enfatisa cu actualmente nan ta realizando un revision profundo di tur e plannan existente riba mesa. Como parti di e proceso aki, nan ta evalua cua proyecto ta realmente factibel, cua iniciativa a wordo para sin ningun necesidad, y unda e necesidadnan mas urgente di e comunidad ta den e momento aki. E meta ta pa no core lansa algo cu no tin un fundeshi solido.

Critica riba promesanan bashi

E critica riba e expectativanan cu a wordo crea anteriormente ta hopi fuerte. E anuncio di e administracion anterior ta wordo describi awo door di e miembronan actual como “promesanan bashi” cu no tabatin un base real. Na mesun momento, e administracion actual ta afirma cu nan enfoke ta poni riba wak padilanti. Nan a compromete nan mes pa bin den un fase posterior cu plannan cu ta realistico, bon fundamenta y cu por wordo cumpli debidamente.



Pa e habitantenan di Boneiro, esaki ta nifica cu nan lo mester keda depende riba nan propio transporte priva of riba e alternativanan limita cu tin actualmente pa un tempo indefini. E falta di un sistema di bus oficial ta afecta especialmente esnan cu no tin un auto of un scooter pa move bay trabou of scol. Pa awo, ta keda masha insegur ki ora exactamente e transporte publico lo lansa oficialmente y den ki forma esaki lo wordo ofreci na e pueblo. E incertidumbre aki ta crea un reto adicional pa e desaroyo economico y social di e isla, cu ta sigui crece pero cu ainda ta faya den su infraestructura di conexion publico.

Fuente: BES-Reporter

RECETA DI DIA



Quiche Lorraine

QUICHE Lorraine no ta simplemente un pie salo; e ta wordo reconoci mundialmente como un di e 100 miho platonan na mundo. Original di e region di Lorraine na Francia, e plato aki a pasa frontera pa su combinacion perfecto di un crust crocante y un toke suave di crema, keshi y spek of porkbelly. Su simplicidad ta e secreto di su gran exito, convirtiend'e den un favorito pa desayuno, lunch of cena den e miho restaurantnan rond mundo.

Ingrediente

Pa e crust (Pâte Brisée):

- 250 gram di hariña di trigo (all purpose)
- 125 gram di manteca friu, corta na bloki
- 1 webo

Un pinch di salu

- 2 cuchara di awa friu (si ta necesario)

Pa e reyno (Appareil):

- 200 gram di spek (pancetta of smoked bacon), corta na dao chikito
- 3 webo grandi
- 200 ml di crema di lechi (heavy cream)
- 200 ml di lechi integral
- 150 gram di keshi Gruyère of Emmental, raspa
- Un pinch di nootmuskaat
- Salo y pepper preto recien mula na smaak

Instruccion

1. Preparacion di e crust: Den un comchi grandi, mescla e hariña cu e salo. Agrega e blokinan di manteca friu y uza bo dedenan (of un foodprocessor) pa traha e manteca den e hariña te ora e parce garnachi di pan. Agrega e webo y mescla te ora e masa bin hunto. Si e ta hopi seco, agrega e awa friu. Forma un disco, lor'e den plastic y lag'e descansa den frigidaire pa por lo menos 30 minuut.

2. Keinta e forno na 180°C: Lora e mansa riba un superficie cu un poco di hariña y bisti un forma di pie di 24 cm. Pone un pida di papel di horna y algun peso (manera bonchi seco) ariba y horna e crust pa 10 pa 15 minuut. Kita e pesonan y horna pa 5 minuut mas te ora e ta seco pero no bruin.

3. Kushina e spek: Den un panchi riba candela medio, hasa e



spek te ora e ta crocante y a saca su azeta. Pone e spek riba un papel di cushina pa asina absorbe e exceso di vet.

4. Prepara e mescla di crema: Den un comchi, bati e webonan hunto cu e crema di lechi y e lechi. Agrega e nootmuskaat, un poco salo (tene cuenta cu e spek y keshi ta salo caba) y pepper preto.

5. Arma e Quiche: Parti e spek hasa uniformemente riba e base di e crust horna. Despues, plama e keshi raspa riba e spek. Finalmente, basha e mescla di crema cu webo cuidadosamente aden te ora e yega casi na e rand.

6. Horna y sirbi: Horna e quiche den oven pa aproximadamente 30 pa 35 minuut, of te ora e reyno ta set (no ta move mas) y e parti ariba tin un colo oro bunita. Lag'e descansa pa 10 minuut prome cu corta pa asina e sabornan sinta debidamente.

Bon probecho!

Fortaleza pa Famia

Droga y alcohol e gran ladron di bida, cas, matrimonio y famia

E ta mas cu un ladron, e ta un desaster, un plaga, un malicia, un representante di diabel grandi riba tera, algo cu hende no kier reconoce y aparta for di dje.

E ta drenta tur caminda, y ta laga dolor atras, causa di enfermedad, kibrado di matrimonio, famia, negoshi, primo di dolor y miseria.

E no ta barata, hende ta paga hopi cen pe, nan ta horta, nan ta mata, nan ta bende curpa, nan ta traiciona, pa asina por haya droga.

E ta drenta cas, oficina, gobierno, scol, hibando su destruccion y angustia tur caminda.

Y e a bira e Dios falso di hopi hende rond mundo, e simbolo di idolatria, e maestro di engaño, hopi hende ta alaba droga y hopi ta pensa cu sin droga nan no por biba.

Hunto cu alcohol, nan dos ta forma e pareha di maldad, pasobra si no tin ayudo na tempo, nan ta destrui tur cos caminda den nan yega.


Droga ta pone hende perde conocimiento di nan estudio, perde respet pa nan mes, perde nan integridad, perde nan trabao, perde responsabilidad, y mas cu tur cos perde temor di Dios.

Hende huramenta ta lubida tur huramento, ta benta nan posicion afo pa motibo di droga, hende casa ta bende tur cos den cas style di vlooienmarkt, pa nan por haya placa pa nan por uza Droga.

Awor tur hende mester mira y reconoce y kere cu den Droga y Alcohol e palabra di Dios den Juan 10:10 ta cumpli, bisando cu e ladron ta bini solamente pa horta, pa mata y pa destrui.

Deportista grandi ta perde añanan di trabao duro, tur fama, perde tur placa, perde famia, cas y matrimonio, cay den pobreza extremo pa motibo di Droga.

Droga ta haci hende sinberguensa, e ta haci hende inferior, cu nan ta perde balor di bida, cu nan ta lubida ken nan ta, y hasta ta lubida cu tin un miho mañan.



Ta cosnan increibel ta sosode, ora hende cay den gara di droga, hende ta divorcia manera ta algo normal, pasobra nan ta domina door di droga y no ta realisa kico ta nifica perde famia, cas, matrimonio y yiunan.

Ya rond mundo droga ta destrui, y hende no ta ripara cu locual tin para den 1 Pedro 5:8 por wordo anota seriamente pa evita cu hende ta cay den droga.

Droga y alcohol ta crea un almacen di malesa den curpa di hende, pasobra e ta debilita tur bo sistema y hasta por afecta wesonan, e ta crea un mente scur, dañá pulmon y higra, bora stoma di hende, pone perde tur djente, desfigura curpa di hende, haci hende muestra hopi mas bieu cu nan ta.

Anto tin hende ta kere cu ora nan uza droga nan ta muestra sexy, nan ta e guy cu forsa, nan ta e miho musico, nan ta e miho modelo, pero ta un engaño diabolico nan ta bibando den dje.

Droga ta pone hende huy for di esnan cu kier haci bon pa nan, y subi riba caya bek, despues di a dal un bon comi, un bon baño, dal un bon pela y bisti paña limpi, bay droga bek manera nada no a pasa.

Tur esnan cu ta importa y bende droga tin cuenta grandi di duna na Señor, si nan no arepentí, y aparta for di e plaga y desaster cu yama droga.

Bo por puntra bo mes con un mayor cu stima su yiu, por consenti cu su yiu pa uza droga, pasobra tur droga ta haci daño, y ta destrui mente di hende.

SETAR ta participa fayecimento di:

Sra. Elda Tromp-Keck

Mama di nos colega Alvin Tromp,
Jr. Network and System Specialist.

Acto di entiero ta tuma luga diabierna
24 di april 2026 di 2or di merdia pa 4or di atardi
na Aurora Funeral Home.

Gerencia, Staf y Personal di SETAR N.V.
ta extende palabra di condolencia na
Alvin y demas famia.



SETAR

E mundo di musica clasico y cultura Venezolano ta di luto

Fayecimento di Maestro Abraham Abreu, un di e clavesinista y pianistanan mas distingui y respeta di e pais

NACI na Caracas na 1939, Abraham Abreu a dedica su bida na excelencia musical y formacion di generacionnan nobo. Su carera tabata marca pa un erudicion profundo y rigor interpretativo cu a hacie e autoridad principal riba musica baroco y clavesin na Venezuela. Inicialmente entrena pa Maestro Moisés Moleiro na e Skol Superior di musica, Abreu a perfeccsiona su arte na Universidat di Yale, ganando un titulo di Master di Musica cu a cimenta su status como un academico sumamente distingui.

Su herencia ta transcende e sala di concierto. Como docente, su impacto tabata inmenso, sirbiendo como Profesor Emerito na Simon Bolívar University y como profesor di hopi tempo na Universidad Central di Venezuela (UCV). Miles di estudiante a entrena bou di su guia, absorbiendo no solamente su tecnica pero tambe su amor pa e disciplina y investigacion musical.

Maestro Abreu tabata un artista completo, complementando su trabou pedagogico y di concierto cu un discografia valioso y programanan di outreach musical na radio y

television, semper cu e meta pa trece musica clasico mas cerca di publico en general. Su contribucion invaluable na cultura Venezolano a wordo reconoci na 2001 cu Premio Nacional di Cultura, categoria Musica.

Nos ta manda nos mas profundo condolencia na su famia. E musica di Maestro Abraham Abreu lo sigui resona como testament eterno di su talento y dedicacion.

Clyde Harms

Cu dolor na nos curason pero conforme cu boluntad di Dios, nos ta anuncia fayecimento di:



Benjamin Van Grinsven

Mihor conoci como “Ety”
*20 September 1967 - †16 April 2026

Staff y personal di Ad Patres Funeral Home & Crematorium ta extende nos mas profundo condolencia na famia di e fayecido.



“Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon,
mi por stens di loke Señor ta hasi”
Salmo 33

Cu dolor na nos curason, nos ta participa fayecimento di nos ser stima:

Diana Magdalena Perez-Wouters

Mihor conosi como Lena
19 september 1951 +21 april 2026

Na nomber di su:

Casa:
Oscar Perez

Yuinan:
Gilbert Perez y Andriani Moebin
Kristel Perez y Jason Boekhoudt

Nieto: Maxx Boekhoudt

Rumannan:
†Regina & †Bruno Arends y famia
†Vicente & Mercelina Wouters y famia
Joseph & Ija Wouters y famia
Flora & Rudolf Nicolaas y famia
Rita & Siltro Henriquez y famia na Hulanda
Viola & †Benito Wernet y famia
Wilma Wouters
Elvia & Eddy Roga y famia
Harold & †Lourdes Wouters y famia

Sobrino y sobrinanan:
Lisette Alias-Arends y famia
Nathalie Croes-Wouters y famia
Mariflor Nicolaas y famia
Mary-Lee Nicolaas y famia
Nashette Croes-Wouters y famia
Giselle Lourens-Wernet y famia
Melissa Wouters
Edseline Geerman-Roga y famia
Melany Henriquez y famia na Hulanda
Edsel Roga y famia
Brian Wernet
Mandy Henriquez y famia na Hulanda
Guido Wouters y famia

Mihor amiganan: Jenny Ho-Sing-Loy, Annette Brenes, Rufina Boekhoudt.

Swa y cuñanan , primo y primanan, ihanan y demas famia, bisña y conocirnan: Wouters, Ras, Nicolaas, Perez, Lopez, Kock, Tweekboom, Alders, Frolijk, Dirksz, Maduro, Croes, Lacle, Wester, Aniceta, Higuita y Garcia.

Amistadnan di: Grupo Samen Oud.

Un danki special ta bai na nurse y voluntarionan di Hospice Atardi.

Lo ta bai tin un box disponibel pa un donacion na Hospice.

Nos disculpa si den momento di tristesa nos por a lubida di menciona algun familiar of amistad.

Nos ta invita pa acto di condolencia y despedida cual lo tuma lugar na Pray Funeral Home na San Nicolaas, **Diasabra 25 April 2026** for di 9or pa 11or di mainta.

Cremacion lo tuma lugar despues den seno familiar.

Nos ta lamenta cu despues di entierro nos no lo por ricibi bishita di condolencia na cas.

Gerencia, Staff y Personal di Aruba Ports Authority N.V. ta extende nos sincero
condolencia y forsa na famia di

Sra. Anna Cathalina
Arends-Arends

Miho conoci como “Cata”

* 23 Februari 1937 – † 17 April 2026

Mama di nos colega Mario F. Arends
Cu Sra. Arends-Arends sosega na Paz



"Mi ta pone mi bida cu su pena den bo man,
Señor"

"Den Bo, Señor, mi ta busca mi refugio,
No laga mi nunca keda brongosa.
Bo ta husto, p'esey bin salba mi!"
Salmo 31

Cu inmenso tristesa na nos curason pero
gradecido na Tata Celestial pa su bida cu el
a comparti cu nos, Famia Lumeniër-Franken
ta cumpli cu e tristo deber di participa
fayecimento di nos respetable mama, suegra,
wela y bisawela stima;

Sra. Bernadita Lumeniër-Franken

cariñosamente yama Dita of Edita
viuda di Mario Lumeniër
yiu di †Luis y †Virgilia Maria Franken -
Van Der Biezen
na edad di 92 año

Acto di entierro ta wordo anuncia despues.

Adres di condolencia via correspondencia:
famialumenierfranken@gmail.com



Dios ta amor y amor ta Dios
Mas que mi no ta na e mundo aki lo mi
Ta banda di boso curason mi ta conforma
Di lo que Señor ta hasi. Salmo 33

Cu inmenso tristesa na nos curason pero
conforme cu boluntad di Dios, nos ta anuncia
fallecimiento inespera di:

Bernardo Feliciano Kelly

Mihor conoci como: "Benny"
*22-09-1956 † 19-04-2026

Acto di entierro lo wordo anuncia despues.

Mi no a muri.
Ta p'esey mi no a bisa ayo.
Mi a djis habri mi halanan
y bula bay keiro.
Boso a keda atras.
No laga tristeza domina boso.
Keda uni un cu otro pa mi alma, esey lo ta un alegria.
Recorda mi cu hopi amor.

Cu dolor na nos curason pero conforme cu boluntad di
Dios, nos ta anuncia fayecimento di:

Valentin Nicolaas De Barrio Kock

Mihor conoci como "Nico"
*13 Februari 1951 - †20 April 2026

Acto di entierro lo wordo anuncia despues.

Staff y personal di Ad Patres Funeral Home &
Crematorium ta extende nos mas profundo condolencia na
famia di e fayecido.



Señor ta mi luz y salvacion.
Señor ta fortaleza di mi bida.
Grandi ta Su bondad y amor.

Cu inmenso dolor na nos curazon,
pero conforme cu boluntad di Dios,
nos ta anuncia fayecimento di nos ser stima,

Karel Anthony Arends

Cariñosamente yama "Lito" y "Papa Lito"
*28-12-1945 - †15-04-2026

Na number di su:

Esposa: Aura Maybelline Arends-Croes

Yiunan: Igor y Zuleyka Arends-Lacle
Giãira Arends y Rudy Dirksz

Nietonan: Kyle Arends na Hulanda
Xennon Arends na Hulanda
Dylan Arends
Dyron Arends

Rumanan: † Jacobo (Neco) y Dina Arends-
Nicolaas
† Velia Arends
Amelinda Arends
† Orlando Arends

Subrina/o(nan): Orlando (Dito) Arends
Yanais Arends
Juan Carlo Arends

Cuñia- y suanan

Y tur su bon amigonan

Ta invita pa e acto di despedida cu lo tuma
lugar **diasabra 25 di April 2026** di 1:00 pm pa 4:00
pm na Aurora Funeral Home. Cremacion ta tuma
lugar den seno familiar.

Ta duel nos cu despues di entierro nos no ta ricibi
bishita di condolencia na cas.



"Señor ta mi wardador, mi'n tin falta di nada.
Den cunucu di yerba berde e ta ponemi
sosega. E ta hibami na awa trankil,
pa mi bolbe haña forsa". Salmo: 23

Cu dolor na nos curason, nos ta participa
fayecimento di nos ser stima:

Antonio M. Tromp

*08-06-1952 - †08-04-2026

Na number di su casa Sra. Fanny P. Tromp-
Puente Roman kier a invita pa e acto di
despedida cual ta tuma lugar **Diabierna 24 di
April 2026** di 9or pa 11or di mainta na Aurora
Funeral Home. Cremacion lo tuma lugar den
seno familiar.



The Lord is my shepherd; I shall not want
He makes me lie down in green pastures
He leads me beside still waters
He restores my soul, Psalm 23 vers. 1&2

With deep sorrow, we announce the passing of:

Franklin Pierce Caton

Better known as: Tutu di Kitty
Sunrise: Nov 23, 1966
Sunset: April 8, 2026

Son of:

†Vidal Caton and †Venicia Caton-Joseph (Kitty)

Left to mourn his following siblings:

†Benedict Caton
†John Caton and Family
Gloria Douglas and Family
Phillis Caton and Family in St. Martin and St. Croix
Paul Caton and Family
Faustina Caton and Family
Catelin Lindor-Caton & Edward Lindor and Family
Cecilia Dirks-Caton & Roland Dirks and Family in
NED
Anthony Caton & Veronica Henriquez and Family
James Caton & Mari Valero and Family
Edward Caton & Jacquelin Roberts and Family

Nieces and Nephews:

Linda Caton, Aaron Caton, Alison Caton,
Indra Caton, †Joshua Caton, Natasha Joseph,
Nicolai Joseph, George Lejuez, Gregory Lejuez,
Nathaniel Lejuez, Gerald Lejuez, Cheila Caton,
Claythan Lindor, Edelyn Lindor, Lashley Lindor,
Ruthlyn Lindor, Evelyn Lindor, Lloyd Lindor,
Reynaldo Dirks, Hensley Dirks, Danilo Dirks, James
Caton, Laudina Caton, John Caton, Jamileth
Caton, Anthony Caton, Alicia Caton, Emma
Caton, Edwin Caton, Jacky Ann Caton.

Godparents: †Baldon Sawney, †Lilian Sanches

Good friends and neighbors, too many to
mention, caretakers from
De Stek, Lister Overvecht Noord, Willem
Arentshuis, Catharifneconvent, Winklerklinick,
UMC neurologie

Family: Caton, Joseph, Lejuez, Lindor, Dirks,
Henriquez, Valero, Robert, George, Lendor,
Alexander, Bedeau, Stiell, Sommerson, Mcfallene,
Gay, Vesprey, Richards, Decouto, Rivers

Funeral service will take place on **Wednesday,
April 22, 2026**, at Aurora Funeral Home from 1:00
to 4:00 pm, followed by departure for Catholic
Cemetery in Playa.

Funeral attire: Happy colors



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.

Na number di su casa Godfried Jansen "Joe" mi kier
anuncia fayecimento inespera di:

Christina Isabel Jansen-Agundelo

*18-06-1968 - †15-04-2026

Acto di entierro a tuma lugar na Colombia



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haya forsa". - Salmo: 23

Cu inmenso tristesa den nos curason, pero conforme cu boluntad di Dios, y agradecido pa su bida y amor, nos ta anuncia fayecimento di nos kerida mama, wela, bisawela y tanta:

Anna Cathalina
Arends - Arends

Miho conoci como "Cata"
23 februari 1937 – 17 april 2026

Na number di su:

Mayornan:
† Simon van der Veen Quant Arends
† Sarah Emilia Arends Sequera

Tanta y manera mama:
† Delfina Isabel Sequera

Esposo:
† Mario Federico Arends

Yiunan:
Simon van der Veen Quant & Dalila Arends
Ramon & Vivianne Arends
Maria Veneranda "Chicha" Arends
Maria Delfina "Fina" Arends
Mario Federico & Sharissa Arends

Nieto(a)nan:
Simon v/d Veen Quant Arends
Ramon Andres Arends & Michelle Henriquez
Maria Elizabeth & Kevin Leung
Daniel Jose Arends & Arianny L. Medina
John Frederick Lopez
Ariana Gabriella Arends
Alyssa Carolina Arends

Bisanieto(a)nan:
Ramon Mikael, Violet Victoria y Liam Gabriel

Rumannan:
† Gardenia "Bebe" & † Eric de Cuba
† Eric & Nancy Arends

Swa y cuñanan:
† Max & Adwina Arends
† Clarita & † Jenny Arends
† Hubert "Ipi" & Arlene Arends
† Maria Leoncita "Oncha" Arends
† Silo Franken

Sobrino(a)nan:
Jeanette y Sarita
Nancy y Gardenia
Max, John y Eddie
Johan, Milton, Raymond, Anthony, Mariebelle y Gregory
Ana Maria y Mylene
Herby, Landa, Debbie, Lienchie y Betchie
Carlos y Angela Maria

Ayudantenan: Mercy, German, Sherry y Naomi

Primo-, prima-, consuegra-, iha-, comer-, comper-, y demas famianan.

Nos disculpa si den nos momento di tristesa nos por a lubida un ser kerì.

Acto di despedida lo tuma luga **diahuebs 23 di april 2026** na Aurora Funeral Home di 9:00 am pa 11:00 am. Acto di cremacion lo tuma luga despues den seno familiar.

Nos ta lamenta cu despues di acto di despedida nos no ta ricibi bishita di condolencia na cas.



Drenta su portanan cu gradicimento
Drenta su tempel cu canticanan di alabansa.
Glorific'e bendiciona su nomber
Salmo 100:4

A bay sosega cu un bunita edad di 94 aña:

Cornelia
Maduro-Willems

Viuda di Mario Maduro
Cariñosamente yama "Nea, Abelita, Awela"
*17-02-1932 - †11-04-2026

Na number di su:

Yiunan:
†Franklin "Bagadjan" Maduro
†Milda Croes-Maduro
Reymundo "Maikel" y Elvira Maduro-Roza
†Robert "Robby" Maduro
Judith y Jimmy Tromp-Maduro
Mario "Ricky" y Linda Maduro-Zahler

Rumannan:
†Marianita Willems
†Francisco "Chico" Willems
†Vicente "Chento" Willems
Vda. Juju y †Hendrick Croes-Willems
†Victoriano "Tojanchi" y †Nora Willems-Brete
Carmen y Lu Dabian-Willems
†Ina y †Chano Flanegin-Willems
Vda. Sita y †Wilbert Roos-Willems
†Florencio Willems

Nieto(a)nan:
Jesica y Humphrey Franken-Maduro
Michelle y Sandy Farro-Maduro
Michael "Maikito" Maduro y Jessica Kock
Mildenny Croes y Shannon Silberie
Julia Tromp y Wilman "Ashrok" Reyes-Perez
Julian Tromp
Jôya Tromp

Bisanieto(a)nan:
Humphrey J. y Jearyselle
Gwendelyn y Daniel
Philip
Gerslyn
Q-chella
Q-elisa
DeSean
DeQuion

Tataranieto(a)nan:
Hailey-Jaë
Sophia
Daniel

Sobrino(a)nana: Mariska, Stuart, Jozef, Hendrick
Jesus, Francisco Miguel, Judelly, Win, Aldrin,
Aymar, Amelaine, Janine, Vincent, Noraima

Ayudante: Diana Ventura

Primo- y primanan, ihanan, comer y compernan, bon bisiñanan di Ponton, amigonan y conocirnan.

Demas Famia: Willems, Maduro, Gomez, Comenencia, Vrolijk, Roza, Croes, Tromp, Zahler, Franken, Farro, Kock, Silberie, Reyes Perez, Brete, Celestina, Dabian, Flanegin, Roos, Zavala, Rosel, Trimon, Restrepo, Vaca Ruiz, Wever, Orman, Martha, Pietersz, Quandus, Kelly.

Ta invita pa acto di condolencia y entierro cual lo tuma luga na Misa San Francisco na Playa **diaranson 22 di April 2026** di 2or pa 4or di atardi. Despues lo sali pa Santana Catolico na Playa.

Disculpa nos si den nos tristesa nos por a lubida algun famia of conocir.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". - Salmo 33

Nos ta anuncia fayecimento di:

Elda F. Tromp-Kock

Mihor conoci como: "Eldaatje, Echi"
*29-04-1943 - †17-04-2026

Mayornan: †Barbara Kock-vd Linden y †Plasido Kock

Esposo: †Silo Urbain Tromp

Yiunan: Alonso (Ali) Tromp
Alvin (Buty) Tromp y Yuraima Solognier
Amerey Giel-Tromp y Marc Anthony Giel

Nietanan: Stephanie Oduber
Naomy Tromp y Gregori Rosel
Amanda Tromp
Ceanna Richardson y Riyallen Sint Jago
Shanee Matos (Iha)

Bisa-nieta: Alayna Lacle
Como bisa-nieto: Kaylen y Kehlani Nicolaas

Cuidadornan: Belkys Tromp, Nayibe Ramos, Patricia

Rumannan: †Enfi Tromp-Kock y †Marciano Tromp
†Maria Kock y †Fechi Maduro
Rina Werleman y †Chimbo Werleman
†Renolfa Kock
†Du Kock y Canisia Ruiz e/v Kock
†Chito Kocky Gloria Kock-Salazar
Ronnie Kock y Rulfia Kock-Werleman

Sobrina/o nan: Roland Tromp, Mirla Tromp, Kennith Hoevertsz, Vivian Hoevertsz, †Renny Maduro, Jeanette Henriquez-Maduro, Carina Maduro, Marlon Maduro, Madeline Maduro, Lindel Werleman, Angelo Werleman, Anthoni Werleman, Franklin Granadillo, Ruthmila Donata, Mireya Geerman, Jouraine Romero, Gina Franken, Melva Kock, †Raymond Kock, Lindey Kock, Magdella Giel, Vivian Webb, Andy Kock, Lizza Kock-vd Linden, Paola Goede, Malina Kock, Sharline Werleman, Brian Croes, Marco Quandt

Suegra/o: †Baldomera Tromp y †Israel Falcon

Swa y cuñanan: Sebastian (Toco) Falcon-Tromp
†Juan Tromp
Candito Tromp y Rosa Tromp
†Andres Tromp
Hortencia Schrijer
Yvonne Zambrano-Tromp y Angel Zambrano

Serka manera famia: †Olga Matos
Alicia Matos
Joanne Seferina
Dilania Matos
Jeffrey Rojer
†Mayra Nadal
Angelique Thode, y Litho Tromp (na Hulanda)

Demas famia y conocirnan: Tromp, Kock, van der Linden, Falcon, Werleman, Koolman, Schrijer, Richardson, Goede, Granadillo, Geerman, Romero, Franken, Donata, Vrolijk, Hoevertsz, Ruiz, Giel, Henriche, Maduro, Lambertus, Matos, Giel, Kelly, Wong, Desir, Lacle, Oduber, Rock, Acosta, Petronia, Quandus, De Graaf, Rojer, Thode, Snijder, Luidens, Paula, bisinjanan, amigonan, conocirnan y demas famia.

Nos kier a manda un palabra di gradicimento pa tur e especialista y dokterman cu a atende nos ser kerì te na final.

Si pa cualkier motibo a lubida algun famia of conocir disculpa nos den nos momento difícil cu e perdida inespera di nos ser stima.

Oportunidad pa condolencia lo tuma luga **Diahuebs 23 di April 2026** di 7or di pa 9or di anochi na Aurora Funeral Home.

Acto di entierro ta tuma luga **Diabierna 24 di April 2026** di 2or pa 4or di atardi na Aurora Funeral Home y despues lo sali bai pa santana Central na Sabana Basora.

Nos ta lamenta cu despues di entierro nos no ta ricibi bishita di condolencia na cas.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com